

光緒江西通志

江西通志卷六十七

建置略二

廨宇一

南昌府

萬壽亭在東湖之東恭遇

聖壽朝賀大典文武百官行禮於此舊在棉花市雍正十三

年巡撫常安恭建今址

謝志
羅增記 張

巡撫部院署在東西大街中明甯府前宮遺址先是正
統間鎮守都御史署在東湖貢院左卽故南昌道以待
刷卷清軍分巡之所後鎮守不常設署廢至嘉靖三十
二年并入貢院成化間巡撫都御史閔珪始以永甯寺
北鐘鼓樓右爲署正德十五年巡撫都御史王守仁以

舊院僻隘兩司議政亦遠於是布政使陳策按察使伍文定合議逆濠承奉司一所地勢規模高廣改建巡撫署迤北爲提學署尋裁巡撫以署改巡按察院嘉靖六年復設巡撫十七年都御史胡岳卽提學署改建中爲表正堂東爲友士軒後爲虛受堂東西爲衙廨西南有清風亭演武亭儀門東爲旗纛廟前爲院門門外兩翼爲各屬茶廳前有雄藩節鎮坊外有屏牆坊左右爲轅門明羅欽順記嘉靖十七年十月有二月甲寅望江西改書撫臨茲地文武僚屬遂以是日奉迎榮戟奠厥攸居百度一新輿情咸悅於是左布政使夏君邦謨按察使尹君嗣忠都指揮僉事張君鯨與諸同官合謀宜有紀述以垂久遠乃以書來告曰江西會城舊有行都察院三所其一乃正統間所建後爲鎮守太監府其一成化間所建遭逆濠之亂而廢其一乃正德末年所建今爲巡按御史察院嘉靖初嘗罷撫臣不遣旣而復置則前政所居御史奉有成命矣時鎮守已革因卽其府爲行

院居之爰及今年而鎮守亦復邦謨等初聞報見公亟
請所處公曰府爲鎮守舊物且嘗經奏請不可更昔人
之所廢者其必有見無庸復外此將無善地乎僉曰提
學之署高平而顯敞且當藩臬之中將圖改建地無善
於此者署北尚多隙地移其署而置之稍北亦罔弗宜
公曰善乃興事以七月十一日爲屋凡百餘間左堂右
寢堂以前爲聽政前後皆五間中爲川堂其前爲儀門亦五
間又前爲大門間殺其二列卒之廡開十六居吏之舍
五間中爲甬榭庖廡庫殿合十五間皆附於寢以前作
亭一區以待賓客大門之內有土神之祠外臨通衢表
以綽楔中左右各一三司之暫憩有神之祠外臨通衢表
進止者皆有所庇之廡體勢崇嚴品式具備所用木石
瓦甃章鐵竹葦丹漆之類費金凡二千五百有奇人夫
匠作爲力凡二萬一千有奇金取諸贖刑之餘力均諸
里役與卒之羨者公明無遺照指授規畫動適幾宜故
厯民不勞百五十有奇茲賜造之於凡也願得一言以
而庶民永永有徵先生宜勿拒欽順不敏竊觀公之是舉
有三善焉其待物也公其決幾也果其用財也節蓋凡
彌綸庶務鮮不由此是宜風紀振肅大小歸心嘉績之
成如種斯穫其於聖主倚任之重諒無負哉諸君子謀
議克諧贊襄有恪皆所以爲一方久遠之計協恭之美
又於是乎在皆所宜書公名岳字仲申華亭人浦南其

別號也。夏良心題名記。國家所稱持綱肅紀。提衛大。小文。武吏。惠養元。元。遇亂。略以保固。疆圉。則撫臣重。江以。西。控。吳。楚。閩。越。之。衝。彈。壓。諸。郡。國。磐。石。宗。城。而。治。安。以。視。他。藩。省。則。又。重。按。令。甲。以。工。部。侍。郎。巡。視。文。皇。帝。十。九。年。始。成。宣。而。後。或。鎮。或。撫。率。隆。其。任。與。巡。按。一。御。史。相。錯。制。世。宗。六。年。始。定。設。又。四。十。年。而。始。兼。軍。務。一。切。錢。穀。兵。甲。訟。獄。舉。刺。興。除。聽。便。宜。具。聞。而。權。益。重。今。上。御。世。三。十。一。年。邇。成。宣。歷。二。百。餘。載。其。以。御。史。中。丞。及。都。御史。大。夫。及。御。史。中。丞。兼。理。軍。務。者。若。而。人。以。都。御史。大。夫。及。御。史。中。丞。兼。理。軍。務。者。若。而。人。邑。里。仕。宦。久。近。官。爵。贈。諡。所。至。詳。甫。田。林。公。碑。及。姑。蘇。徐。公。鑄。記。中。凡。六。十。六。人。稱。重。臣。等。也。夫。魯。道。齊。法。彪。規。曹。隨。余。濫。爲。之。後。能。不。盡。一。奉。之。竊。謂。在。昔。功。忠。彪。炳。定。國。人。臣。事。君。之。上。物。也。然。豈。兩。公。夫。以。死。勤。事。以。勞。而。後。起。名。以。相。持。而。後。成。周。公。破。斧。東。征。豈。其。得。已。彼。庸。戶。網。繆。固。公。所。爲。周。室。奠。八。百。年。基。業。免。國。家。於。予。侮。者。也。自。兩。公。外。余。不。能。悉。舉。所。親。記。者。若。韓。襄。毅。以。官。罷。徵。陶。器。稱。林。司。寇。以。議。減。廩。祿。稱。恭。介。以。織。緝。計。提。蒲。救。災。蠲。賑。稱。雖。人。殊。均。無。失。其。所。爲。戶。網。繆。計。提。蒲。救。兩。公。先。後。相。輝。映。甯。少。遜。哉。何。也。撫。之。爲。言。拊。也。時。不。幸。有。大。危。疑。大。患。害。眾。人。相。顧。矍。矍。無。可。奈。何。爲。之。幸。

酸百慮呼吸萬變而平定其傾兩者並重要以因時附
眾歸之拊循譬之撫摩羣兒痒疥疾痛總適於安故諸
公文武剛柔不同用其先事而戒臨事而任惠養元元
而固疆圉用圖治安所為國家重一也主上神聖坐理
江右諸郡國吏奉職士奉訓庶民徵輸轉餉惟恐後無
得宗強寇狡焉不逞之徒伏莽眉睫不可謂之有林竭
而中貴人礦金樵木開採樵稅之使十道四出焚林竭
澤而意不贍吏民嘆息愁苦之氣所在而有詎得泄泄
然謂天下無事余材能遜中庸竭區區血心拮据從事盜
斤斤酌損之而無烈力當其衝轉圜一有如值逆藩羣盜
之會為文成忠烈莊儔莊肅恭介諸公或不敢望三
里避舍不然而仰而視莊儔莊肅恭介諸公或不敢望三
背而進則安所為重稱天子撫臣後六人起也語不
云乎名者實之寶君子疾沒世而不稱焉況為天子當
一而其所措置前事之師覆車之戒不啻懸鑑而列眉
可畏哉彼卑官小吏一方一職習效力殫猶足免於素
餐汗顏之議吾見重之難為而名下之未易副也若夫
不自揆再為勒石以記而綴名其末以志慕也若夫
副其實紹諸公芳矩則俟後之君子

國朝順治十一年巡撫蔡士英捐修

熊文舉記

士辰少司馬大中丞蔡公以特簡開府江西閱
兩年政治肅清賦蠲而核吏潔而和兵整而恬民安而

阜上下雍睦四境喁喁山高水深陶然化國先是都察
院有公署疊經變亂苟且相仍等規不立公見之曰
中丞至或寓紳士之居鼓角雖嚴規模在乎何至竄陋
是柏臺也總持風紀貞肅官僚皆於是乎在何至竄陋
若此會江西盤錯杏乘諸艱蠅集公日拮据焦勞吏幕
民隱不暇甲午春公始率藩臬諸大夫郡邑有司戎幕
參佐相度舊行臺升高望遠俯勝測奇撤其壅蔽斥其
菲陋廓其湫隘規方審勢一切鼎而新之有門將整潔
堂翼翼堂之後有川堂有燕寢計再重備極高明整潔
後有樓巍然敞豁憑欄四眺覽無遺旁及射圃庖湍
之所罔不周隆外而事神寅賓之堂俱歸妥肅計所用
木石竹葦甃鐵丹漆及雇募之人夫匠作等約費金數
千有奇皆公自捐俸薪及贖金以濟纖毫不擾於民公
復指示有方區畫有緒故爲時僅百有餘日遂臻厥成
壯哉觀也不佞文舉蓋嘗遊覽縱步而嘆大中之爲
此也有四美焉以言乎天時則適當營建之候湖東西
巨孽就珍七八年通賦全蠲桴鼓無驚謳歌載道以言
乎地利舊既當藩臬之中新復闢四道之路後屏不苦
於局促兩翼遂覺其襟如以言乎物曲則美材在遠而
畢集文石擇近而咸齊捷若神輸敏如風構以言乎人
情共覆冒乎仁天快瞻依於德宇無煩罄鼓爭效揀
夫君子一舉事而四美俱備是不惟可法兼亦可傳
慶江右之民公且將盡納之春臺登之祗席是役也公
不獨享其攸躋攸甯而與江民共適於美翰美奐吾見

堂階之下其願稱兄能而祝萬壽者恨不踵相接也
藩臬大夫郡邑有司稟公法程奉公憲度登斯堂也
豸府曉威之凜凜焉夫吏治肅民生安公本此以制
業隆遵董斯不朽文舉席底蜚鴻猷同賀燕以參戎趙君
載之蔡公名士英遼東錦州人以都察院協理院事左
副都御史陞兵部右侍郎都康熙二十七年巡撫王隲
恭述

上諭從容安靜爲上六字製額懸正中宋學題名記司馬溫公

也忠某也佞某也直某也詐後之人將歷指其名而數
之可不畏哉是知題名者所以誌景行垂鑒戒非徒侈
名氏於豐碑也巡撫都御史於明宣德間始有專官江
西行臺題名凡有二自賈公諒以下六十六人爲一石
則有見素林公爲之記益以夏公良心十七人爲一石
則夏公自爲之記而本朝諸賢闕焉未備也余稽之
誌載詳其爵里自李公翔鳳至不佞榮止凡十五人勒
之貞珉列於聽事之左歷觀前載自建官之始終文明之
世合入十餘人其間如韓襄毅毅林貞肅孫忠烈王文成
諸公或臨難不苟或戡平大亂皆忠貞果毅事業彪炳
至今猶在人耳目餘則或存或亡有知有不知者矣我
國家應運龍興今天子繼體立極凡大臣秉

錢而來者靡不推誠置腹假以便宜其一時治狀父老
類能道之茲可無述余之前即今大司農福山王公莅
事甫旬有四日隨遷閩浙總制而去然其風裁峻整宏
綱畢舉余一循其成法而酌以時宜略加損益夙夜兢
兢三載於茲矣夫觀在事之歲時考政事之得失則其
人之賢不肖可坐而得矣且三復司馬公之言尤畏大
後人指名而數之也敢不勉哉三十八年

御書老成清望額賜巡撫馬如龍四十二年二月

御書擁節名疆額賜巡撫張志棟四十六年四月

御書布澤西江額政敷匡岫春風滿惠洽鄱湖澍雨多柱聯賜

巡撫郎廷極廷極又以爲浙藩時

御賜純一堂及清慎二字懸諸廳事五十四年

御書寵任麾鉞額及擁麾南國稱雄鎮開府長江控上游聯賜

巡撫佟國勳五十六年

御書誠信開府額馭吏當持法安民祇要廉金章紫綬旌循吏

甘雨和風祝有年二聯賜巡撫白潢敬摹懸堂上乾隆
三年巡撫岳濬於內署東建升觀樓十八年巡撫鄂容
安修署前坊改題文武爲憲二十八年巡撫原誤護湯
聘復建北樓增高升觀樓三十年巡撫輔德明山原誤
三十五年巡撫海明原誤海成四十二年巡撫郝碩修四十
九年升觀樓火五十二年巡撫何裕城重建改題三星
道光初巡撫阿霖程含章先後修七年火巡撫韓文綺
重建同治八年巡撫劉坤一復修謝志府志檔案新
提督學院署在按察司東本舊副使道署康熙四十六
年

特差四川道監察御史楊容提督江西學政改建院署乾隆二
十二年督學張拜賡重修二十八年督學周煌三十六

年督學汪廷璵修三十八年督學曹文植倡建考棚十

四重曹文植記國家賓興之典以三載爲期而三載之

者之習於諸生也最久而其爲之造就而甄拔之故學使

不能爲者端士習整文風俾入吾庠序者悉通經學古

也若夫欲爲其地興利除弊而必出於其中此則力所能爲

建也夫欲爲其地興利除弊而必出於其中此則力所能爲

上之政亦必出於吾庠序上樂善之誠倡以諸大吏鼓舞

學政亦必出於吾庠序上樂善之誠倡以諸大吏鼓舞

作興之治化而學使者適會其成功焉則自觀而樂之亦

未逮矣而乾隆三十年有六年辛卯九月子自粵主試還江

固其所乾隆三十年有六年辛卯九月子自粵主試還江

奉省會地宜命視學江西南西固人文淵藪而南昌試還江

西較寬比行歲試事則南郡較夥校士之院宇亦宜視他

迂謹以舊例不能容往然學使者皆移試貢院之中閑伺察

之周密則亦視他郡勞瘁倍而屆期於書隸之院東南隅有

文昌閣則後觀音堂偏處號舍之外餘悉民地後有臬司

署射圃事有苦於無可基而遂無可爲力者非此之謂

乎而臬使歐陽公則已慨然欲以射圃之餘地爲茲事

倡而中丞海公及方伯李公因懲惠而玉成之爲南昌
紳士鼓於是諸生踴躍喜其基之漸可拓也遂上請於
各大憲及予始事告而各邑以數百金輸者踵相接
矣射圃前爲民地之有主者皆受價而讓諸公矣卽
祠廟之偏而處者已撤而徙之前矣時予正按試贛州
南安各郡而諸生始事之徑尺寸向背無不一日時
木石之多欲以指問架門徑尺寸向背無不一日時
使予知且臆予指示方略必斟酌盡善而後已予故不
敢以遙揣臆予指示方略必斟酌盡善而後已予故不
憲之拱手以俟其落成而紀之以尙有苟且以從事者乎
子惟是又予力之所能爲者耳未幾諸生構佳石以請
記事之言予乃進諸生而勉之曰夫諸生構佳石以請
志之賢不立力不患乎不足患心之專志不患乎不果
卽聖賢不難馴至而況區區土木之專志不患乎不果
年無所憑藉之事業文章忽有鄉先輩以爲憑藉而專
於成又況諸生之事業文章忽有鄉先輩以爲憑藉而專
致志其成也益易爲功矣諸生勉乎哉繼今以後諸生
果能充其所學而煥然一新之已哉學使亦國家求賢之
典則豈徒試彭元瑞增建新已哉學使亦國家求賢之
也已是爲記院瑞增建新已哉學使亦國家求賢之
昌爲治所提督學院駐馬八邑之碑記於西十有三郡南
錄遺於茲自予試童子以來三十餘年未聞修治而新
定令甲倚郭之二縣同日試以杜兩籍於是南昌新建

之周士四千餘人試院不能容則引而之貢院地大稽察
 難持節是邦慨然謀所以與士兩以爲非宜學士承德意化
 公飭材踴躍爭赴廉使歐陽公割射圃以益其基購民
 工之鄰院者得地廣十八丈袤十七丈有奇革舊益新
 居千餘席高明爽塏堅密靜深燦然有光
 四相告微文紀德憶乾隆三十有三年秋九月
 書駕秋獮回予與公同直奉江中禁聯鑣遊
 於南石槽適副相汪公初奉時公端坐重默不置一言
 班列中而膺茲任遂有是役夫集思廣益宰相之事也
 越三年而舉之於社稷之未必自以爲識之於心乃立
 不動聲色受之於耳而公坐之頃外恬風以學行之受納
 未嘗知其職而道之於耳而公坐之頃外恬風以學行之受納
 當其職而道之於耳而公坐之頃外恬風以學行之受納
 能見之行事公開濟內朗神明以外恬風以學行之受納
 天下之言豈徒一日必且爲相一試院之建其爲事業不可
 推既而前券也予與公共事久辱一院之建其爲事業不可
 遺子第歸公德且以予言公足備公道若大路學問至多聞必
 可幸既頌公德且以予言公足備公道若大路學問至多聞必
 下帷執卷而後讀書非善學也賈山曰學問至多聞必
 求善無厭也諸君子能體公之爲政者以爲學則進德
 修業之途行止坐臥隨處皆充
 滿洋溢之區也諸生勉乎哉

四
十
一
年
督
學
蔣
元
益

四十四年督學汪永錫修嘉慶十一年督學曹振鏞諭

四邑紳士重修考棚曹振鏞記南昌試院之增建也

文以記之閱今三十有五年矣余於先公春先公試院

之規模如命繼先公之遺視學是邦至則興歲久

領覽不能無缺梁柱不能無傾敝而修葺之使之

心漸次就湮也則竊思所以懼將謀所以欲舉之

力有不給不能為將思所以懼將謀所以欲舉之

費重之舉不惟不忍亦不敢乃南舞多士士則以

體使難乎猶憶辛卯冬之遺愛而致舞多士士則

不謂難乎猶憶辛卯冬之遺愛而致舞多士士則

以增建南昌試院為己任而使署予隨侍左右先

耳今則三倍之且有園亭榭者四時花木而於試

則無一修及之者嗚呼先公於已之所居任其湫隘

於諸生應試之區拓至廣十八丈袤七十丈有奇

係席高明宏敞以視夫後之崇居處七游觀者其

心之適然於試院不為之整齊而復舊規將不其

先公之祿其況能受為之整齊而復舊規將不其

薪其子不克負荷子無以對先公即無以對多士

則易與瓦不修號板墁牆壁五句而告成矣予心

生而語之曰不聞大論則志不宏不聽至言則心

有基無壞凡事皆然也況於士乎況於試院乎試院之增建不獨先公力興之而前此紳士之始事者與輸金者爲之籌度爲之經營竭心力勞形神以有功德於桑梓之邦今聽其傾敝焉破缺焉使前人之盛舉由此而墮也可乎哉茲紳士之踴躍樂輸是不私其財也不私其財而追溯乎先公以歸美於使者是並不私其美也苟悅有言曰不受虛言不聽浮術不采華名不與僞事言必有有用術必有典名必有實事必有功夫學問之道開之廊然見四海閉之閤然不視牆之表斧藻其德必如斧藻其案焉以仰副之罔然不視牆之表斧藻其德鬱爲文棟儲爲國楨豈僅一試院之焜昱錯炫照耀輝煌已哉多士之福使者之幸而先公當日之有孚惠德且相與世無終十六年火督學潘世恩重建道光十極也是不可無記

三年南昌紳富喻波文余恆萬集各邑修考棚十九年

南昌吳文瀾集新建進賢奉新紳士捐修堂宇科房同

治九年督學徐卬修光緒二年督學許庚身復修改拓

考棚增列坐號

謝志

府檔案

布政使司署在章江門內明初爲南昌府治舊在子城

內宋隆興府元行中書省故址永樂元年以其地剏甯
府遷司治宣德四年左布政孟桓重修正統九年左布
政吳潤充拓甬道護以石欄樹承流宣化二坊於門外
左右成化十二 years 左布政王克復築東樓以配章門城
樓正德八年十二月火左布政張嶺重修十年畢工正
堂五間後堂七間爲後樂堂堂前爲紫薇樓左右爲翼
室十五年左布政陳策重建譙樓嘉靖三年陳洪謨爲
左布政建坊三十三年右布政潘恩顏東樓曰攬秀左
布政傅頤修紫薇樓萬厯間左布政陳文燭重修陳文燭記
紫薇省卽古中書省也改自唐開元而武德間置行臺
尚書省於諸道馬端臨以爲虞廷出入帝命周官掌王
八柄內外之職同也明興始因元制置江西行中書省
設左右丞尋改爲布政使司國初建樓紫薇蓋取中書
省之意也嘉靖間吾鄉大司空傅公頤爲左使修之萬
厯以來傾圯日甚左使仁和宋公議修而不佞至少參

義烏鎮公力贊焉兩臺允帑金百餘閱月而功成美輪
美奐督之者理問殷哲也南昌名都其勝在西山長江
而樓倚西郭銜山吞江浩蕩無際東如文筆塔北如彭
貞觀一瞬目而盡南有攬秀辨章二樓若左右翼晴登
之則珠光靈景在樓矣雨登之則風帆煙艇在樓矣月
登之則金波玉鉤在樓矣雪登之則瓊樹瑤階在樓矣
大都景以西勝云夫王者承天而布之民故曰王省惟
歲卿士惟月師尹惟日主上端居九五登樓北望邈若
萬里歲屢大侵詔下賑貸其仁如天卿士師尹無能後
宣布萬一登斯樓也可以觀省矣遂書而鏡於石

攬秀樓圯左布政陸長庚重建明末燬

國朝順治六年左布政盧震陽建署康熙初左布政余應
魁重建大堂廣濟庫在紫薇樓右厯日庫在後樂堂左
乾隆八年六月東樓燬布政使彭家屏復建顏曰高觀
樓並復舊坊顏曰西江保障三十三年高觀樓燬布政
使揆義重建顏曰江天樓四十二年署布政使周克開
重修嘉慶六年布政使邵洪修大堂及紫薇樓同治八

年布政使文輝十二年布政使劉秉璋重修謝志 檔案

布政司經歷司署在大堂右謝志

布政司理問所署在大堂左謝志

司庫大使署在大堂右謝志

按察使司署在撫院東為宋漕臺元肅政廉訪使署故

址初宋轉運使治所在城東北紹興四年副使張澄改

建子城東為漕臺即今處元至元十五年改為肅政廉

訪使至順二年廉訪使納琳原作麟重修至正四年副使

托克托原作脫作新門以肅內外虞集記昔世祖皇帝置

使其在江西湖東者總治於豫章於政事無所不得始

非分土列職效一官領一事者之比如至元二十八年

以肅政廉訪易提刑按察之名然其聽政之堂府史之

舍文書圖籍之儲門垣之設悉因其舊以時完葺而無

改焉元統元年癸酉布延謝志雖公監憲也以時完葺而無

臨行道與儀門相值而不相遠無以致嚴密尊重之體

度其東若千步更置門焉以舊門之地爲庫所部有筮
籩不飭之懲者則度焉以永戒其爲門也樹兩楹設兩
扉限以中闌而已無風雨之蔽居十三年而木多朽至
正四年中順大夫甯夏托克驪自中書省都中
來副憲事觀於門而嘆曰是可以表異乃規作新門如儀
幢幾與齊民爲比屋何可無所表異乃規作新門如儀
門之制命有司度材擇工而從事焉八月二十有一日
工役就序次年二月大中正大夫張掖劉公蘇喇保柳
班監憲梓人告具明年正月九日甲午定柱石越十有
四日縣丞升梁棟而作焉公親率僚佐蒞之自行省以
下郡縣百司咸集祝史陳辭神人胥洽工不待勸翁然
奉能又七日癸丑中順大夫陳辭神人胥洽工不待勸
二公志同道合無閒然幕府贊之者則經歷司君允德
知事張君汝達照磨高君克明也五月六日丁巳門成
旣而中順大夫張公珪來僉憲事門之爲屋基崇於地
三尺五寸極崇於基三十又三尺南之深四十尺東
西之廣如其極崇於基三十又三尺南之深四十尺東
郡之經費中統鈔而贏二尺鐵石木瓦丹腰工徒之用
十有六尺八寸長十有六尺厚五尺其費中統鈔八十
五錠則憲司工膳之所省也董其役者憲吏元翁阿里
沙以有司治役者南昌簿陸某也憲府以集昔賞待罪
國史倚其部內之野而老焉惟其有文學之好乃命佐書
黃鐘持書幣來諱
明太祖乙巳十五年改爲江西等

記其事如此云

處提刑按察司按察使傅璵創建宣德二年按察使童寅重修儀門左右門房前屏以牆左闢行道面南爲正門門內左爲海棠祠堂後爲川堂川堂後爲百鑑堂東西夾室齋戒堂二所正德十四年平宸濠按察使伍文定復拓而新之

國朝順治五年燬於兵十一年按察使李長春重建

李長春記

略曰自唐置觀察使宋因之而加以提刑之名前代彷彿其制設按察使職專糾察平反而更設副使僉事或統轄驛傳或提督學政或分治兵巡國朝制度率由舊章均之皆昇以祥刑之寄者也然則司憲者教與養皆分內事豈僅以聽斷得情之爲愉哉江右西南重鎮夙號易治自戊子己丑之變城郭榛莽廬井邱墟余頃奉命陳臬視其低倚辛苦惕然憂之念新國用輕典古有明訓每遇金木之訛祇慄無敢縱盭而智識黠淺恆抱緘短汲深之懼寅恭啟迪惟二三條案是賴甲午余明量移值重修臬署告竣而題名久缺未備諸僚案咸以爲言竊意兵燹之餘文獻無徵前此姓氏既若存若亡乃開國十載以來創始諸人亦湮沒而不

傳非所以崇昭代示維新也因磨礱片石而康熙初按次第記之至於刑措教敷俟後之磨是任者

察使樓希昊重建大堂蘇銑重建寅賓館乾隆三十三

年按察使佛德三十五年按察使歐陽永禱重修四十

三年改驛傳歸按察司始置驛庫嘉慶二十四年按察

使程祖洛同治八年按察使王德固修光緒元年按察

使李文敏重修謝志府志協案李文敏記江

政廉訪使署爲之實宋轉運使理所也初蓋改元世肅

仍明制復建公宇前賢修明紀載多闕同治十一年余

奉命陳臬豫章視事之暇求所稱海棠祠百鑑

堂者已久廢惟署東有軒曰雙桂亦荒穢不治階下老

樹僅存其一自門及堂及寢寮舍率敝壞將圯矣謀更

新之會權藩條遂不果作其年九月既受代乃集木石

基使崇築垣使固補桂樹一使正名軒之後爲室如舟

額曰蓬窗欵乃爲馮君光熊書使還舊觀軒之左闢錫

庖堂亦舊時額也堂三楹皆東嚮於堂之北列屋四使

以周廊使爽塏可居垣外隙地可五六畝拓爲蔬圃使

物得植編竹爲籬使別畦徑有池故闕於鑿而浚之使
資灌漑凡東北隅昔爲棄地者悉治乃重葺署門而堂
而寢暨寮舍棟朽蠹者易之巧塤彫剝者飾之署西
屋四楹爲退食所頽壞尤甚則別構焉而題曰存愛齋
明素心也茲役也始作在壬申秋及暮乃畢再作於光
緒紀元乙亥之春七月而畢至是規模定廢墜舉非以
爲觀美也安於所習因循處之與奮發興起以圖更始
者其志其力宜有所擇焉余不敢自逸也而爲之也工甫
成復蒙恩分藩茲土移署有日因
略記始末置石軒壁以質後之君子

按察司經歷署舊在寅賓館旁乾隆二十三年以經歷

兼鹽道庫務移署學院東偏

櫺

按察司知事署舊在寅賓館旁乾隆十九年以知事兼
理驛務移駐南浦驛在廣潤門外簣子巷東橫街
府志櫺

案

司獄司署舊在寅賓館旁今移學院署東偏

府志案安志原

作在本司
大門外

督糧兼巡南撫建道署在布政司大門內西明為糧儲

道分司舊在德勝門集仙坊正德中白志作十五年左參議陸

溥始建嘉靖二十年左參議王挺徙建九江道之東洪羅

先記國家賦仰給東南計天下所入江以南得什之六

而江西北無平原蓄高田仰澤於雨雨久川輒泛溢

故水旱之報無虛歲農民四時勤苦僅足食而不能滿

一歲而賦入去其強半故富家思厚藏必詭法自便而

老胥則亂版籍得其出入丁稅以罔機利或阡陌連數里

其稅不踰於畸人貧而愚者既無籍以自食又多陰代富

家述稅官司莫能原其來由祇據籍征斂惟後時之誅

每下以令又為猾獮取持廣其美目長其時直不肖之

心而以下又各有分蓋十三府一州七十人省以一人督率之

其耳目必有所不逮故民不困於賦者蓋亦什一而省

子諒之心剛果視他郡司訟獄亦當什之六焉非有欄上

夜思人謀而利制固未可辦此使復為出入之防陸君

下之情則督率雖宜未足以為惠也正德間參議陸君

原博始建糧儲分司於集仙坊蓋因其道紆僻吏民

隘無以容眾其制寢陋不能嚴出入其道路紆僻吏民

之奔命赴訴者不便嘉靖庚子冬象山王君子長白王
部擢是職明年秋至官既數月則建稅役儲蓄二議以
布己意又數月因吏民之情以分司署請於臺使盡
其故業益以贖金擇九江道之東公地之隙爲屋凡
千楹而廳事燕休庖寢憩藏之所靡有又相連比吏之
四周爲崇墉視他署之崇嚴相等而命令者日以不
廢以進者堂序有嚴民之環屏而候命者日以不
經始於壬寅二月而告成蓋將於是既其心盡其材
其變通以宜民者亦可槩見其什一矣夫民忍饑渴
走以受聽斷一日之淹猶爲念也而況偏抑以陷
毒於腹劑者不尤足悲矣乎吏之竊符僞章日以
指猶足爲禍福也而況習故以舞文懷墨以攘奪者
尤當察矣乎數月之閒耳目所逮有不便利者雖舉
役眾猶若不容緩也又況加以歲年凡耳目所未及
關係尤重且太者將不次第編舉矣乎王君爲工部
聞朝廷財賦之議常憂以天下固不獨江西之民然
東南之困以培國家之命宜自江西始後廢
故因記是役也附以見聞而必有望焉

國朝始建南昌縣治北尋移駐右布政廢署卽今所雍正

七年布政司衙門奉文關防於是督糧道高銳卽儀門
外大門內循右別爲署門設以柵欄隔以周垣乾隆八

年督糧道周人龍就署西偏增建門堂嘉慶六年督糧道周璣改建二十一年督糧道王賡言修同治八年火

督糧道平步青重建

謝志新
建縣志

道庫大使署在道署西偏乾隆八年建

府志

鹽法兼巡瑞袁臨道署在按察使署大門內西乾隆二十二年驛鹽道興德以署前按知事署舊址增建廨舍三十二年驛鹽道塘琦修建門堂東爲銀庫西爲外銀庫又建東西廂三十六年驛鹽道劉墉修三十八年驛鹽道李源四十一年驛鹽道吳山鳳重修四十五年鹽法道杜憲增拓署基同治八年鹽法道吳兆麟重修

謝志

府志
新建縣志

貢院在東湖之東龍神廟後佑清寺前宋初江西貢院

未設於城東開元寺試士至宣和元年創建於仙市坊
尋燬紹興以後試士於能仁上藍寺寺隘益以光華館
乾道中帥守吳芾改建於東湖左開元寺廢址後帥守
李壽朋又闢西北偏經藏寺地益之漕帥方逢辰更於

西北增闢二門尋廢元延祐元年改創於琉璃門北

虞集

貢院題名記至正四年歲在甲申江西北行中書省欽奉
明詔興賢能於郡縣聚之會府拔其尤以充貢先期驛
至中外文舉大夫以較藝乃八月十五日吉受聘而至者先
後入院遵累舉之制而試之九月十五日吉受聘而至者先
左榜二十二人又以新制取其與計偕者省憲官親與為
二人留省以備學官之任其禮盛矣然省憲有主試監試
燕工歌鹿鳴而勸之焉其禮盛矣然省憲有主試監試
之官貢院有主文考試之焉其禮盛矣然省憲有主試監試
皆一時知名之士上下內外勤勞幾月餘竣事於簾外者
其官所未有名之士上下內外勤勞幾月餘竣事於簾外者
行而因循至於今為缺典請立石於貢院而悉題其名
焉夫江省所統郡二十多以文物稱布衣韋帶之士修
行於鄉里誦書史求聖賢之道稽當世之務人人欲自
獻於明時其積累非一朝一夕之故而來應試者不下

數千人遠者千餘里有司者不明經學之傳不足
明經之士不知治道之要不足以興風俗之治所以
邪正文氣之升降道德之進取而已而所以化其機
蓋在是焉非直爲數十人之論之其於國家治教之
日有見於世者可指名而論之天子試之法而射書
不重哉古者諸侯薦士於天子天子遺法也備書以
焉數與祭者薦之國有慶賞先王之遺法也備書以
文獻於將來宜在於此詩曰鳳凰鳴矣于彼高岡梧
生矣以報聖天子者有至正十二年燬於兵燹明洪
亦於上藍寺鄉試也梁寅貢院唱和詩序余觀古詩
焉故定之方中爲營室也津水爲興學也干旋爲賢
也伐木爲燕朋友也若經科取天下士洪武三年秋
九州平定之初詔以雲集於文場於時行省參政滕
月江右十三郡之士雲集於文場於時行省參政滕
按察副使安公同位貢舉事行省都事馬侯道泉按
經歷劉景文實左右之舉劉侯賦詩以歌盛美而兩
之賢咸和考試六人則余與番陽蔡深淵仲豫章傅
振宸臨川張潔以修何淑伯善河南艾實若虛及凡
貢院者無不屬和金玉之章前陳後列皇皇乎洋洋
如八音之並奏雖聲之不而同合於太師氏之律呂
何其美哉既寫成軸劉侯命序之余謂大藩之選士
升之朝甚盛事也其方之營居室修學宮見賢人燕朋

友不尤重乎哉宜和之眾而傳之久矣抑是詩也獻賢
能之書有日矣士之獲薦者方于然而來兩府之大
臣賓之於庭歌鹿鳴之章以爲餞詩之作也又安得而
已乎余歸山中雖不獲與而篇章之傳者余尙願見之
二十九年按察使房安參政單玪度地東湖左得三皇
廟故址創建永樂元年爲新建縣權治所旣建縣遂爲
貢院嘉靖元年湖水泛溢巡按御史程啟充以進賢門
廢甯府陽春書院改建三十四年火後復試士於東湖
貢院

國朝順治五年燬於兵八年以按院公署改作倉猝未備
十年左布政使盧震陽請於巡撫蔡士英卽進賢門內
舊址重建康熙二十年巡撫安世鼎復移建東湖故址
卽今所前立三門中爲明遠樓樓北至公堂堂後開以
牆爲甕門門內爲協一堂公閱試卷左右兩廡居五經

房考官爲聯璧堂居兩主司後改聯璧堂曰奎宿兩掖
列屋東十七間西十八間爲分校同考官居改協一堂
曰至明又改至清兩廡及西偏屋爲內監試公廨至清
堂左爲監臨公廨右爲提調監試正副公廨監臨公廨
前左爲受卷彌封謄錄對讀掌卷等所別以垣牆堂前
列士子號舍外置供給所棘垣內四隅各立瞭角樓頭
門外樹立柵欄設東西二坊曰騰蛟曰起鳳後易以天
衢雲路熊一瀟記古選士於鄉而後乃制專科目列郡邑既設學宮以資教育又建鎖院於省會以知貢舉蓋廣聖天子菁莪棧之化而收人材以備天下國家之用顧必擇形勝之區爲地靈人傑之所鍾誠重典也先是江右貢院面東湖氣勢光昌科名鼎盛我國初戊子二豎構逆蕩爲邱墟遂改卜進賢門內正學書院之故基識者疑於偏偏有大將軍率師駐豫會甲寅三孽難起董公會同文武諸大吏度湖濱舉場之廢址創建幕府爲大將軍開闢坐籌決機取勝之所

而乙卯科停貢院之在進賢門內者秣馬峙芻亦且毀垣頽柱矣迨辛酉賓興屆期則荆榛瓦礫當事傲修莫措時方伯王公規畫興居則荆榛瓦礫當事傲修莫勞且江人士所樂復也因與中丞安公議既協遂力陳於督臺允所請君子謂是舉也數善備敷文教於大搶攘之後求治蹟於冠亂殘廢之餘仁不營私善之長計之復舊觀而無久善之周也至獨力經營補先垂之費數千緡而財無費於民求役無呼於旁助義不辭難尤善之善者也公欲江人士之懷材抱藝者莫不感奮風雲秀鍾山水俾公卿將相皆出於是難以繼先時科名之盛蓋公之功高而心抑苦矣功之高不可掩而心之苦尤不可諉靈臺泮水揚休雅頌邢邱楚宮見美春秋是舉也不可以不書計磬石以錙次之用誌歌功報德之思滿屬公門下士得步後塵誼當執管以俟故不敢辭而爲之記公名曰藻字印周號鶴書江南松江華亭人順治乙未進士今官戶部尚書稱方伯者紀始事云

五十年巡撫佟國勣改建號舍一萬有奇撤木席而易以石五十八年巡撫白潢建廣額亭增置號舍一千間乾隆十二年巡撫開泰重修

錢陳羣記江西貢院之復建於東湖賢惟

康熙二十二年廩後賓興之歲卽事修葺以迄於今我
國家文治百年匡廬彭蠡之鍾毓其貢於朝者備公
卿有司百執事之選得人爲盛矣我
育才慎飭科制九年冬監視貢院
宴禮成遂之軌則閱寒士之苦辛所以體恤而董勸之
章樹斯文之軌則閱寒士之苦辛所以體恤而董勸之
者至矣極矣又復親麗宸翰頒諭直省貢院一
體刊刻永垂彝訓今年丁卯鄉試將入闈仰見至公堂屏
命偕侍御馮君秉仁來典試事將入闈仰見至公堂屏
風恭屬觀瞻悚惕時則大中承開公泰實爲監臨增修
小僚率屬觀瞻悚惕時則大中承開公泰實爲監臨增修
貢院率屬觀瞻悚惕時則大中承開公泰實爲監臨增修
爲言今次工程於常修外所增加者若聯壁堂後平屋
七楹提調監試兩廳事龍門兩旁平屋數楹舉子號舍
增高七寸易竹椽以杉木坐板寫板則加闊之於是爲
坊爲垣爲門爲樓爲堂爲廡爲公廡爲諸所爲席舍爲
瞭角樓次第一新而南昌府知府李君倏署南昌府同知
事南安府同知劉君芳博署瑞州府事南昌府通判程
君尙贊南縣知縣錢君志遙新建縣知縣邱君蘭標
實司其事內外提調監試方伯彭君家屏觀察黃君岳
牧副使蔣君嘉年施君廷翰參政李君根雲實董其成
維貢院爲賓興重地君廷翰參政李君根雲實董其成
上百執事仰奉德意經理於下而陳羣得觀盛於斯國
深慶幸是不可以無記以爲後來者勸并推明夫斯國

家教養之深詩書禮樂之十三年布政使彭家屏重修

澤蔚興而不著蓋有自云乾隆九年歲屆甲子為國家

植槐桂浚井彭家屏記乾隆九年歲屆甲子為國家

宣已三載矣時值大比內外簾各分執事余謬以領藩

綜攬其全為念鄉貢無題名碑制慮久而失考爰仿太

學勒石以記樹於南昌府序自碑今以往往每居如之嗣念

聞中向來井眼甚少舉子恆以艱於取汲為不便而挑

夫喧雜夜深不局殊非宜第穿鑿弗慎亦恐有礙文脈

迺召集諸生度地詹吉乾隆十三年十一月十四夜三

逢甲子為貞元會台文明大啟之象至期度肅祝奠率

屬飭匠於聯璧堂前至公堂下號舍兩旁及供給各所

浴井一十有二莫不源潔流清宜湧不竭從此永免叫

簫之擾而舉子入閣後即得凝神定志靜候命試矣然

開內向少清蔭而樹槐木與樹人同觀且因以顧名思義

也可不講歟為之樹槐使多士有懷攻苦三年易度不

可漫擲此一日也為之樹槐使多士有懷攻苦三年易度不

初心也為之樹槐使多士有懷攻苦三年易度不
為之樹槐使多士有懷攻苦三年易度不
意堪憐勿輕於塗抹也擬種諸樹欲下之際重念寒士失
井事宜均請於監臨大中丞開公泰曰善是固無忘未
第時之辛苦欲推以及人為朝廷體恤多士之雅意未
也宜亟為之學使金公德瑛亦以為然而同事提調黃
觀察岳牧監試李參政根雲蔣憲副嘉年施憲副廷翰

先後共相規贊用成盛舉僉議當三十三年巡撫吳紹

立石以誌不泯余謹援筆而載之貢院略焉惟我國家加意掄才當試之年飭守土吏

詩重修均也顧學校之興修見於古名賢文紀甚多而

貢院略焉惟我國家加意掄才當試之年飭守土吏

動帑修葺懸諸令甲抑何鄭重周詳若此蓋謂學校之

所以教者越三年而局闢試之冀得一時之英俊以儲

爲他日用則必安其所處俾展抒其胷中之蘊蓄而校

文受事之所卷帙盈積亦以完固整潔可無損污主試

者得一其心志以爲防弊計者更不可不周此皆係於

高臺瞭遠所以爲防弊計者更不可不周此皆係於

才者大曠不過三年居之制思深而慮長也乃往往積久

敝甚者曠不過三年居之制思深而慮長也乃往往積久

作因仍遷就亦勢有必然矣乾隆戊子江西鄉試余職

在監臨先期率屬詣貢院周遭審視傾敬支拄非復一

處塌壁頽檐往往而有即或棧棟巍然而蠹蝕空虛粉

塗皴爾而基址敬側查自康熙二十年移建東湖之濱

更歷多載而丙戌丁亥間雨久湖溢浸淫積漸以至於

此慮材鳩備非照例支額所可舉乃事者夫學校教士

有學臣貢院衡文有使臣而統轄場務屋廡居處之不

謹無以副 皇上求賢之盛心余之咎也謹繕摺

奏請大修蒙 恩俞允爰委知府汪鍾率知縣張

九鉞試用知縣盛林基監修公暇輒借司道往省視以

董成焉地既濱湖南方秋多霖雨牆所以衛院計開以

尺三千五百五十有奇向築以土易傾易之飢饉且加
高焉號舍萬間址不增高不深蓋不密溝不疏皆足受者
霖雨侵乃以從容揮灑矣廨舍則內有明堂最役有
士籍者可以衡文之地其旁與提調監及同考官處左右
奎宿堂外有公堂他爲坊爲重門爲瞭樓爲吏役樓
五所休息執事居焉總計屋五百六十間更張母侈
止之母室爲廚使卑者必周朽者堅敝者立廢者復剝落者
大治華飾但使算所必恭將命之忱矣起二年六月
整得事釘頭瓦縫其格有奇此舉也十年二月無
皆得金六千九百八十八兩有奇此舉也十年二月無
用帑作至期九除扣而有抵統前貢院三年之修有節而
事更科動支數內扣而有抵統前貢院三年之修有節而
於四便也夫國用有常經貢院三年之修有節而
舉以良甚相度機宜不以濟實用每歲作是樹酌盈虛經久
是以以備大修則可待儉甚而後作是樹酌盈虛經久
羸以備大修則可待儉甚而後作是樹酌盈虛經久
可行之法也仰瞻堂上儉甚而後作是樹酌盈虛經久
子者獨至其感與當何如江蘇前歲道義事功文章遠
炳史冊近著朝端廬峯蠡湖山水鬱積靈秀之氣發抒
正未有艾其誠於學中者其將於此爲之魏椿先
資也余區區之誠不可無以屬焉後爰記此以勸諸石年
寶襄斯役僉曰是不可無以屬焉後爰記此以勸諸石年

五十八年奉

上諭著布政司及總兵監臨五十九年於原置監臨公廨之左

添建總兵公廨六十年奉

旨仍復舊制嘉慶二十年巡撫阮元改修號舍

卑狹士之試者櫓觸其首雨霖其膝屋覆石片漏者居
半舍中長巷地為塗泥每遇秋雨其深汚而羣資為飲且
雨泛日多其臭甚遠東湖納一城之汚及咫號舍總數
潦盛之年其水浸入闔西場舍者深輒及咫號舍總數
第如額而巳敬遇皇恩廣額一加錄遺才梓人增蓋
席棚號千餘座夜不得臥雨不能蓋一江人請出百人座
驚凡此皆多士所苦也嘉慶乙亥元撫江西北紳士
願修改之於是擴買院東牆外地基展地增舍若干號
東西場舊屋咸撤之改建高寬且深者復掘湖土增培
舍基舍高而湖濬蓋兩得之舍屋之樣盡覆以瓦舍巷
接石為路舍尾改造廁室以穴遠流其穢於屋之外加
鑿甕井三十有二以供飲汲間內縱橫甬道皆易以石
棘牆外東南之路亦培湖土高之且加石焉自今伊始
庶幾多士得居爽塏專心於文恬坐臥而遠疾癘此其
所樂也工用白金數萬為省內外紳士所倡而有所勸
士實鳩之非眾義之積曷克舉事非有所勸曷

克藏事經始於二十年十月越二十一年七月成元與
學使者王少辛暨僚屬紳士樂觀而共落之四顯煥然
氣象聿新不其偉歟今而後文學道誼科名之盛當更
有踴乎文運者爰諾紳士之請記其事之本末且備書
鳩工捐金名氏 二十二年巡撫錢臻修號舍移彌封所
而被之於碑

監試署西增設西北文場號舍道光二年新昌縣紳漆
紹祖呈請捐改各號廁舍補建號舍一百八間咸豐九
年巡撫覺羅耆齡於西文場之北東文場之南增號舍
九百五十餘間同治六年巡撫劉坤一奏請增廣號舍
檄各屬捐資復增建東南文場號舍四千間移四所於
東南文場之北鑿十四井甃以石並建搏秋閣九年奏
增設同考官二員爲十六房移受卷所監臨署東別設
掌卷所於四所西偏十二年復建搏門於外
南昌府署在司馬巷新建縣舊治漢晉豫章郡署在城

謝志府
梠案

南有子城東西雙闕門唐洪州為都督觀察節度使治
 所宋仍置鎮南軍後升州為隆興府太平興國中州守
 張惟德一作張維則重修治平元年知洪州施元長書名揭
 於中門之楣楊傑記今天子即位元年春三月己巳洪
 章之水原於虔化會貢水而為贛東北至於洪崖之陽
 漢置郡曰豫章因水名也隋易郡曰洪州因山名也唐
 治郡建節曰鎮南制遠俗也偽唐僭稱南都避中原而
 北遷也宋削平僭偽聲教被於四海州名從隋仍舊貫
 也鎮名從唐存武略也鎮名則有節度使以領之州名
 則觀察國練刺史以鎮之是二者之名不可闕其一也
 而鎮南之名固已表於府門矣惟州名則闕然未之表
 也兵部施公出守是邦以德義鎮俗事為有本乃命以
 州名表於中門表之所以正元改為行中書省移隆興
 名也正名不可不書故書之
 路署於章江門內南昌縣在其左新建縣在其右明洪
 武三年知府趙文奎併司府二縣地重建永樂元年復
 改布政司治遷府治今處正統元年知府任肅修宏治

十二年知府祝瀚復修并設獄庭

張元稹種德堂記

圓牆僅一畝積聚至千餘人校者縲者縲者去牛之桎者桎者

食其角疾之危者豎入其背刑未至殛年已盡算民罹

此酷數十年於今矣山陰祝侯以宏治丁巳來守茲

慨念而深矜之訟牒之所訴者斷訖去不令入羣

獄吏罔治於茲三郡之有訟事者俱集於茲株連之

引實繁有徒南昌之獄難乎其盡地矣侯相府治南

舊老子宮買地買之曰將此天堂為地獄可乎遂因

地作屋以楹計者如干築牆以雉計者如干前創大

中起巨堂顏曰德取泉陶邁種乃降之義審出不服

者來宅焉時巡按御史王問之曰災致和莫勝於此

夫於災能引而後和可致乎成於今年冬半不閱月大雪

植德之種也何莫不然獄成於今年冬半不閱月大雪

民占獄有年候口給薪米解罪災如獄民之寒不何月大

獄新出獄計口給薪米解罪災如獄民之寒不何月大

脫焚出獄計口給薪米解罪災如獄民之寒不何月大

者哉後之居是堂者尚體侯心以種德為事若其口

孔其項以是而求泉陶謂之俾一種人則慶矣必教於

中於其是而求泉陶謂之俾一種人則慶矣必教於

於德為是而求泉陶謂之俾一種人則慶矣必教於

告附宋江蘇洪州右獄盡心堂記世稱泉陶以刑事

舜其後封於蓼六至春秋其國先亡以爲刑之戒余
獨以爲不然漢于公袁安郭躬以決獄陰功遺福子孫
卿相侯累世孰謂皋陶明允篤誠而刑若持法之平司人
子嘗思澤不得施與施焉不逮及物者唯刑爲然使吾聽
之命召伯折獄如子路袁矜如曾子君子怙焉小人懼
訟如召伯折獄如子路袁矜如曾子君子怙焉小人懼
焉雖世世獲福可也然君子亦豈先處己以禍福而議
人之生也始吾與之游得溫厚而已矣吾友蕭適每上府休輒
坐曹司處令輕重訊報及書不以委吏平反決讞必以
其情諸羅文法者皆不恨余知其以刑受福也他日麻
廢固立屋數楹列美蔭於前爲亭對峙而求說於余余
以爲王之制刑猶己弱也一稷思而不可變故君子盡心焉
思天下之弱己弱之用其志今吾與子一一杯相屬於此
之君子於人無所不爲其志今吾與子一一杯相屬於此
亦思有向隅悲泣滿堂爲之循吏鮮不以仁成名而寒
不得衣飢不得食者乎古之循吏鮮不以仁成名而寒
鮮不以刑取禍必無愧於心然後可以樂此萬歷三年
射乎故余書以遺適用民死以喜怒行之子毋萬歷三年
以舍福取禍必無愧於心然後可以樂此萬歷三年
年知府周良臣重修十三年知府范涑建公府齋居於
署內三十四年前後堂庫燬知府盧廷選復建

國朝順治五年燬於寇康熙二年知府葉舟重建十六年知府甘國棟增建乾隆四年吏舍圯知府吳同仁修十年知府李倓重修北樓及廂房三十四年知府汪鍾修葺門堂三十八年知府錢策許蔭楷四十八年知府黃良棟五十五年知府趙其溶嘉慶三年知府邵洪修九年知府麟喜三次興修道光十七年知府張寅三十年知府鄧仁堃咸豐六年知府史致謬九年知府許本壩修同治八年知府吳祖昌十年知府許應鏞重修

謝志府

督糧總捕同知署在府治右本理刑廳署康熙六年裁缺以同知移駐乾隆十四年署同知王時煦三十五年同知久常先後修葺四十二年同知杜一鴻道光二十

年同知鹿傳先同治四年同知高夢麟重修

謝志

軍捕水利同知署在新建吳城鎮樊家隴舊屬南康府

雍正八年移駐同知胡瑗建署乾隆三十一年改屬南

昌府同知鍾光豫修葺道光五年同知陳煦重修咸豐

三年兵燹八年同知蔡錦青重建

府志

縣志

糧鹽通判署在府署左康熙五十六年通判夏景棠修

乾隆三十四年通判王肅四十二年通判李振祖復修

道光十年通判韓開景同治七年通判顧爾恆重修

謝志

府志

縣志

縣志

經歷司署在府堂東後圯移居堂西照磨舊廨

謝志

照磨署舊在府堂西乾隆四十九年添設府監以照磨

兼管建新署於豫章樓南

謝志

城守協副將署在廣潤門內萬壽宮西北本明察院舊署

國朝順治十八年裁察院後遂爲南瑞鎮總兵署嘉慶五年改南瑞鎮爲南昌城守協副將仍以爲署別於署右

建九江鎮行署

謝志府志
檔案

城守協中軍都司署在惠民門內橫街舊爲鎮標前營遊擊署故明都指揮司署也嘉慶五年遊擊移駐九江

遂爲都司署

檔案

南昌城守營專城守備署在應天寺左

南昌縣志

撫標中軍左營叅將署在按察司署後大街嘉慶十八年叅將清德修葺同治七年叅將李世昌重修守備署

在父子牌坊北

府志南昌縣志
檔案

撫標右營遊擊署在北營房側近爲守備署

南昌縣志

布政司鑄錢局在司署後僕家塘舊在東湖南

謝志

大校場在順化門外

府志

小校場一在惠民門內六眼井稱南營房一在德勝門

內遊擊署左稱北營房

南昌縣志

軍器局舊在順化坊同治二年燬今借寓佑清寺

謝志

案

南昌縣署在舊府治西南子城西夾牆巷上藍寺故址

宋故縣治在郡城東北隅元遷於章江門內隆興路治

左明洪武初遷今處知縣黃德銘建嘉靖六年燬知縣

陳世輔重建萬曆十五年知縣何選修葺

萬恭記南昌古豫章輔邑

也漢治東郭一舍故爽塏利居室韋武陽徙治今章江之涘地故卑溼永樂初分封甯獻王居藩司署乃居蕭

上之將天子休命次之興舉稱大吏意指下之彌縫百姓之大難而匡救其災而又令退食委蛇婦子甯止蓋其氣浩故能先民而後身其才裕故能時繼而舉羸其神定故能形勞而心逸異日者持其中軸將外安有如此邑內甯有如此室矣今著三十三年火知縣黃一騰之於珉後來者得覽鏡焉

復建正中懷保堂東西庫

國朝康熙四十二年知縣王廷對重修四十七年知縣佟世俊移置馬廐四十八年火改繕吏舍雍正五年增設東監獄重立申明亭乾隆七年署西偏燬於火知縣錢志遙重建十五年知縣楊錫鬯改建三十三年知縣徐聯奎六十年知縣徐午道光十二年知縣石家紹增修光緒二年火知縣汪世澤重建

謝志縣志

府志稿冊

縣丞署在縣署西南鳳凰坡初建於縣署左康熙四十八年火知縣佟世俊改建今所乾隆四十二年縣丞張

昉修葺道光二年縣丞張克綬改建

謝志府志縣志

典史署在縣署前東橫街舊在縣丞署左康熙四十八年火知縣佟世俊改建嘉慶十九年火典史祝東曙捐

修

謝志府志縣志

三江口主簿署舊爲巡檢署在縣右雍正七年移駐三江口始建署乾隆四十四年改巡檢爲主簿署仍舊咸

豐七年燬

府志

市汊巡檢署在市汊下街舊在市汊驛東明季燬

國朝順治初移今址乾隆十三年巡檢李漢增建成豐三

年燬五年巡檢侯永燾重建

謝志府志縣志

考棚在永和門內貢院南道光十年邑紳捐建

縣志

新建縣署在府治西偏南宋故縣治在城東隅卽南唐

林仁肇故宅太平興國間主簿何慈創建元遷章江門內隆興路右明洪武三年知縣李璫遷城北司馬巷永樂元年改爲府治縣徙東湖貢院十八年移今址宣德三年知縣茅自得修

國朝順治五年燬十七年知縣魏雙鳳重建中爲親民堂後爲新新堂東西各有庫康熙十九年知縣楊周憲增建嘉慶六年知縣朱鈺修道光九年燬知縣徐江重建

謝志府志

縣丞署在射圃亭舊在縣堂左乾隆四十三年縣丞張

立緯移今址

謝志縣志

典史署在縣右稍南

謝志

吳城主簿署在縣北吳城驛南舊爲巡檢署缺裁尋以

南昌巡檢移駐乾隆四十四年改巡檢爲主簿署仍舊

謝志府志

生米司巡檢署在善政鄉生米鎮舊在縣西南盡忠鄉

烏山咸豐三年燬同治九年巡檢洪業輝重建

謝志縣志

長江水師吳城營叅將署在吳城鎮同治七年建

檔案

考棚在城東北隅永和門內明故校士公署在廣積倉之西卽分宜嚴氏廢址後爲豫章書院萬厯九年提學

孫代改建

國朝道光二十四年知縣蔡以修率紳士捐建今處二十

五年知縣斌椿成之

府志縣志

豐城縣

萬壽亭在縣治東舊稱龍亭庫嘉慶十九年知縣華希高恭

修縣志

知縣署在縣城正中唐永徽二年建宋皇祐初縣令郊修輔建敕書樓元至元二十三年升爲州至正十二年燬於兵十六年重建明洪武二年知州強立增修九年仍復爲縣知縣林弼重修二十九年縣丞何昭善增建正德初知縣謝顯修隆慶二年知縣張正道重修明末燬於火

國朝順治八年知縣宗彝鼎建康熙五十二年知縣盧佐斌修乾隆三十六年知縣于崇敕四十二年知縣鄭樞重修五十六年知縣王賡煒改建大堂六十年知縣唐仁植修嘉慶十二年知縣鄭塏十九年知縣華希高道光元年知縣徐清選三次改修十六年知縣程燦策

修咸豐間燬知縣蔡廷蘭重修

謝志 府志 縣志

縣丞署在縣署東康熙四十七年縣丞張應徵重建乾隆七年縣丞王鑽修三十二年縣丞黃汝源四十三年

縣丞何浩續修嘉慶二年縣丞王雲鵬重修

謝志 府志 縣志

典史署在縣丞署南乾隆三十四年典史梁耀祖四十五年典史楊式玉修嘉慶二年典史馮倚斗十年典史

姚承俞續修

謝志 府志 縣志

大江口巡檢署在大江口舊在柿源乾隆二十九年移

駐創建嘉慶二年巡檢董九疇捐修今廢道光十六年

改建小江口尋亦廢

謝志 府志 縣志

考棚在盛家洲嘉慶十二年邑人李海麟捐建

縣志

進賢縣

萬壽亭在西壇康王廟右舊在海智寺後乾隆三十五年知

縣李升庸恭建嘉慶十五年邑人舒英賢敬移今所縣志

知縣署在壇石山南宋崇甯三年創建建炎間燬於兵

紹興二十六年縣令杜易重建乾道六年縣令張嘉謀

建清陰樓慶蓮堂景魏望雲二亭元至元十二年燬於

兵縣尉劉勇重建十七年縣尹周天祥增葺大德九年

達嚕噶齊博羅原作波羅又葺之天厯中縣尹唐玉成元統

中縣尹李世能增建達嚕噶齊瓜爾佳巴爾斯布哈原作

夾谷八兒創譙樓至正十年達嚕噶齊袁州哈雅原作海牙

建安樂堂尋俱燬明洪武中知縣李思中重修正統間

知縣張冲復修正德二年知縣李學會修六年知縣姚

永貞建喜雨堂於廳北十四年知縣蘇志皋重葺三十

五年知縣趙理萬歷三十年知縣黃汝亨

國朝康熙二年知縣聶當世重修乾隆三十年知縣孫鐸

增修

謝志
縣志

縣丞署在縣堂東乾隆四十五年縣丞王世鈞修

謝志
縣志

志

典史署在主簿署南乾隆三十四年典史朱仕任修

謝志

志
縣志

梅莊巡檢署在縣東北四十里雷家莊舊爲鄒子巡檢

乾隆三十年改兼管潤陂巡檢移駐今所

縣志

考棚在縣治東南曲水書院西嘉慶二十一年知縣周

澍創建

縣志

奉新縣

上諭亭在縣左乾隆元年知縣趙知希恭建

縣志

知縣署在馮水北唐神龍二年新吳丞高良弼勅建宋
嘉祐八年縣令丁餗修顏堂曰希宓政和中縣令上官
允若創譙樓嘉定間縣令張國均重建并建華豐樓於
治右後燬明洪武三年知縣余思濟建十四年知縣黃
壽建譙樓宣德九年知縣璩鎮海重建正統六年知縣
袁彰景泰三年知縣劉讓重修成化三年知縣謝煥改
建吏舍十二年知縣岑方重建譙樓嘉靖元年知縣朱
雲鳳復勅東西吏舍十三年知縣胡億建通和堂萬厯
二十一年知縣馮珽建仕學齋尋燬

國朝順治八年知縣王家楨修葺十七年知縣黃虞再重
修康熙元年復建譙樓二年盡撤其舊重修之五十九

年樓圯乾隆四十一年知縣甯有誠重修嘉慶二十五年知縣鄒山立建愛日堂思補亭形勝樓咸豐五年寇燬同治六年知縣呂懋先重建

謝志

縣志

縣丞署在縣署東康熙二年建咸豐六年燬同治八年

縣丞張士強捐建

謝志

縣志

典史署在縣丞署南康熙二年建乾隆四十三年典史錢元銓修咸豐六年燬同治六年典史劉肇城重建

謝志

府志

縣志

羅坊巡檢署在縣西六十里羅坊鎮明洪武元年建

國朝雍正十三年巡檢周篤生重建同治八年巡檢唐文

瀚修

謝志

縣志

考棚在縣治西嘉慶元年邑人捐建咸豐間燬同治初

復建

縣志

靖安縣

上諭亭在縣北門內道光元年知縣張國鈞恭建

縣志

知縣署在南門內迤東創自南唐宋紹興間縣令黃宗
諤於廳事後創製錦堂幽谷百花二亭後令楊億又構
水木清華亭明洪武二年知縣衡守敬建譙樓戒石亭
十三年知縣朱宗晦作尊美堂正統八年知縣金文英
修成化十六年知縣劉芳建後堂曰復思宏治十六年
知縣張伯祥建儀門正德初知縣蕭瑞增建後堂砌石
庫六年燬於寇七年知縣萬士賢重建嘉靖元年知縣
葉金撤而新之正中牧愛堂後爲居仁由義堂三十四
年知縣周麟建後堂爲思審三十九年主簿黃應徵重

修大堂四十一年知縣趙公輔增置吏舍建慎思堂崇禎五年知縣章鳴謙顏大堂曰君子

國朝康熙七年知縣任嘉瑞修二十五年知縣鍾芝豫易堂曰端本二十七年知縣高克藩建後樂亭五十三年知縣李作仁修乾隆十四年知縣馮渠十七年知縣朱堂二十六年知縣李紀三十九年知縣鄒朝陽重修嘉慶十六年知縣馬廷燮道光十五年知縣張師吉繼修十九年知縣王蘭修吏舍二十六年知縣佛爾國春增

修

謝志府志縣志

縣丞署在縣署東乾隆四十四年縣丞陳樹華修嘉慶八年縣丞佟廣仁捐修道光十三年縣丞諸肇棠二十

五年縣丞宋長華重修

謝志府志

典史署在縣堂左卽舊主簿署南乾隆四十四年典史

曹廷棟修

謝志府志

考棚在東門內舊爲義倉遺址道光二年知縣佛爾國

春率邑紳捐建

府志

武甯縣

上諭亭在文廟右乾隆三年知縣吳之彥恭建道光三年邑

人張紹璣恭修

縣志

知縣署在玉枕山前舊在高鄉西安里卽西安縣治唐
景雲初東遷羅邨饒灣之間天寶四年縣令范建殊始
遷今所宋縣令呂晉夫於廳左建東軒紹興五年縣令
上官世美重建淳熙十年縣令洪楨改東軒爲絃歌堂
元至正十二年燬明洪武元年知縣但元行重建二年

知縣盛文郁建堂曰平政盛應期記山之巉曲與僻者躍其上魑魅魍魎鬼怪雜獸咸於是萃焉蓋其幽足以潛形險足以固勢雖密設羅網其崎嶇陂側之陰適以資其號叫跳踉蕩然無所顧忌耳若夫中原曠野沃壤寬閒人煙繁盛林莽無所施其技者何也其地平也故機張隱隱潛遁寂然無所施其技者何也其地平也故曰王道蕩蕩王道平平吾宗盛公文郁以明初尹武甯書其堂曰平政甯山邑山峻而偏民稱難治公宰之若無爲迄今百餘年民猶思之其有得於是者與噫世之谿刻峭厲其亦可以用卒無成效成化元年知縣余希賢者聞公風其亦可以少愧矣

建大堂十四年知縣王僑建譙樓二十一年知縣洪琦

修宏治間知縣林本淵毛騷復修嘉靖元年知縣陸俊

梁肅復修二十年知縣唐牧建保甯樓於堂北中爲忠

愛堂後退食堂

張襄記嘉靖辛丑秋上海唐君世惠以國學典簿擢武甯環山以爲縣壤接楚

尾民多流移時竊發爲盜而城故築自唐縣令范建殊廢久元至正間賊大肆害宏治初復然知縣毛騷增築之正德間華林瑪瑙之亂再擾長樂上南官吏皆散徙去君廉得其故笑曰寇至則去邑誰與保夫安不忘危

臣子職守也事苟無備而一日有警則符籍帑藏將安
 所歸乃與民謀修四門完飭鞏固又構層樓於縣廨後
 以爲保民計不三月告成邑人創見忭慶且觴而落之
 斯樓也玉枕伊山峙其陰白崖柳峯當其陽天馬金雞
 羅屏鐘鼎拱列左右俯視無端勝斯萃焉幸方際昇平
 四時景狀雲蒸霞蔚觀游節勞逸優游於其閒唐君顧
 挾僚佐招文學以期與兩爲邑者圖永久而符籍帑藏將
 獨爲身是謀哉期與兩爲邑者圖永久而符籍帑藏將
 於是歸庶幾上倚賴有以相保詩云君子所依小人
 所腓斯樓之謂也遂名之曰保甯識者建之君乃述其
 事屬余記余惟世之有司率多以所寓爲傳舍閒一葺
 治不過粉飾耳目苟安旦夕而鮮有加意於民者唐君
 獨能深謀遠慮爲一邑安危計建此鴻圖以詒將來有
 必保吾民甯吾民而後已焉其用心果何如哉後之登
 斯樓者其亦可以萬歷四年知縣胡東陽七年知縣高
 知唐君之吏治矣

堪修三十一年知縣李呈芳建間過軒三十七年知縣
 周道昌重建正堂顏曰體仁三十八年知縣張茂松復
 修天啟間知縣徐士華修明末燬於寇

國朝順治四年知縣夏遵虞重建十四年保甯樓火康熙

元年知縣馮其世捐修雍正五年知縣方聲亮重建大堂九年知縣吳之彥乾隆十二年知縣嚴在昌十九年知縣鄒應元四十年知縣梁鳴岡修五十一年知縣石讚韶增建兩柵嘉慶四年知縣王寔十六年知縣許敦仁道光二年知縣陳雲章重修八年火知縣盛思信修十年復火知縣秦紉武修咸豐四年燬八年知縣汪寶

樹重建

謝志 府志 縣志

縣丞署在縣西北年豐鄉木高舊在縣署左乾隆二十

二年分駐勅建道光二十三年改建高居寺左

謝志 府志

縣志

典史署在縣署西舊在縣丞署南咸豐四年燬邑紳捐

建

謝志 縣志

考棚在城北縣署後道光十七年邑人張紹璣捐建咸豐四年燬九年紹璣孫英澍重修十一年復燬同治五

年修

縣志

義甯州

上諭亭在青雲門內古放生池北雍正十三年知州張耀曾

恭建

州志

知州署在鳳凰山南唐貞元十五年建宋元祐間縣令

蕭從建肥民求瘼靖共三堂

黃庭堅銘茂宰蕭公來撫我民自初迄茲惠政日新

父母慈之知其苦樂吏瘦民肥猶求其瘼靖共在堂敬畏在廷賓禮士子有涓有涇我銘三堂式頌式勸繼續

公者無墜斯憲宣和間縣令韓駒建醒心邀月問春三亭建炎

間升義甯軍尋復爲縣旋遭兵燹紹興間縣令陳易章

紋相繼葺治景定間燬縣令任滄復建元改爲州治

舊志

府志作遷治於武甯縣考武甯置州時領武甯分甯二縣旋徙州治於分甯詳沿革表至正間寇

燬明太祖甲辰元至正二年知州徐渙創建洪武二年改

州爲縣知縣項中宣於州治舊基創建正統六年知縣

朱永安重修兩廊景泰六年知縣陸普勸捐重修譙樓

成化五年知縣馬縉重修十年知縣蕭光甫復修錢溥

甯八鄉地爲分甯縣宋因之元至元間始升爲甯州明

洪武初改甯縣仍州治其堂以歲久漫漶將及於毀

光甫顧而嘆曰縣仍州堂僭也將毀弗治慢也僭則官

味其制慢則嘆曰縣仍州堂僭也將毀弗治慢也僭則官

得乎縣本禮樂法度之所苟僭且慢而欲移其風俗

安定其民志可乎卽有事於興舉然縣隸南昌府隸

藩泉上下相距幾四百里民散處山谷間傲義而徇仁

加以早蝗相仍盜賊竊發於其境居民流徙而之他者
眾乃民吾赤子也忍視其墊弱而不恤邪盜亦民也
可縱其烈掠而不知所戢邪遂大申約束明教化振興
廢休聞四起盜乃斂迹無譁民亦轉緣於南畝災耆自
息歲稱有年光甫始自喜曰是可理吾室矣達於所轄
撤其故宇因材於山範甃於治役民於隙而室遂完美

入其門其門洞開知其心之無壅蔽也至其庭其庭如
水知其訟之清簡也攝而升堂堂改塗以墨安其分也
居高聽卑知其情之下達也靜聞堂上之琴美蓋邑中
之錦知其化之自近以及遠也曾子固曰分甯人勤生
而奢施薄義而好爭以今觀之民尚嗇施而好爭乎是
化蓋有待於光甫由癸酉貢生遼川州學正升知
甯縣以愛改任將滿去父老千餘詣蒲臬乞留以慰民
望蓋賢令也其縣學訓導上虞余良具實來請記遂書
此俾刻真宏治十六年改縣爲州十七年知州葉天爵
於縣之壁

重修十八年復修正德二年知州沈陳修萬厯五年知

州石漢建鐘鼓樓二十三年知州方沆重修明末寇燬

國朝康熙五年知州徐永齡捐修其後知州任暄猷祖維

衡相繼改葺雍正九年知州李化龍倡捐重修乾隆四

十九年知州達勇嘉慶十二年知州賀維錦十八年知

州俞昌言二十四年知州周澍二十五年知州曾暉春

復修咸豐五年燬十年知州胡樑重建十一年復圯知

州鄧國恩修謝志府志

州同署舊在求瘼堂東南乾隆五十三年移駐渣津咸

豐五年燬同治八年州同王聚源重建於州城謝志州志

八疊嶺巡檢署在州南奉鄉謝志

吏目署在州同署南嘉慶二十五年吏目李燧重修道

光二年吏目張世楹重修咸豐五年燬同治七年重建

謝志府志

排埠塘巡檢署在仁鄉雍正六年建近駐銅鼓石謝志州志

志

考棚在州治北紫花墩嘉慶二十年紳民捐建咸豐五

年燬同治二年知州鄧國恩修葺九年知州王維新增

修號舍府志

瑞州府

上諭亭在筠陽書院故址雍正十三年知府施廷翰恭建志府

知府署在鳳山之麓南唐保大十年刺史王紹顏建宋

元祐中郡守柳平修淳熙中蘇詡繼修黃庭堅賦有序

夫秀而文其細民險而健以終訟為能緣是玉石俱焚

名曰珥筆之民雖有辯者不能自解免也惟筠為州獨

不罷於訟故筠州太守號為守江西道院然與南康廬

陵宜春三郡並蒙惡聲元祐八年武陵柳侯子儀守筠

之明年也樂其俗之熾使為政者不勤乃新燕居之堂

榜曰江西道院以鼓舞其國風且為高安之父老雪恥

焉秋九月遣使來告成於雙井永思堂於是為之賦其

詞曰句吳之區維斗所直半入於楚終蝕於越有泰伯

虞仲季子之風故處士有巖穴之雍容有屈原宋玉枚

皋之筆故文章有江山之俗多禪鬼越之君多好勇故其

民樂關而輕死江漢之俗亦熾俗之可悅故柳侯下車解

雖郡異而縣不同其大略不外是矣若乃高安之城豫祀

章之別雖風氣之未遠亦熾俗之可悅故柳侯下車解

牛而不剗未嘗發礪初不折缺則喟然嘆曰江西道院

名不虛生爰作新堂合陳鼓笙有斐翰墨賓贊令丞作

為詩歌接民頌聲昔也憂民之憂今則樂民之樂懷儒

伯之蛻蟬有勿翦之喬木制劍池之菡萏以爲裳釀丹
井之清冷以爲酌醉而吾聞風行於上而水波多爲台而
而文仁形於險而民服此天九轉之善化豈可爲天下之
至民慢自設險而我病民詐邪下之善化豈可爲天下之
循吏鑄頑成仁我簡靜則民肅教訟者傳問孝之章使高
安之農養生於耕析楊之末賣私鬪之刀劍非二牛羞淫
耳鎖吮者以深親雖承平百年雨露豈美縱而未聞處士
牧人者乎雖然有一於此堂密有文謝山川之神爲予問
節岑蔚有於苑而不見於墨客之文豈其藏而自祕之
屈而不伸邪公試酌樽中之酒謝山川之神爲予問
之周必大重修江西湖道院記元祐八年柳侯子儀之
守筠也作燕居之堂榜之曰江西湖道院茲惠以養生實
焉後身始至人安之眉山蘇侯領郡於新斯堂以爲無
以持身遺蹟而永安之人居無窮之人觀之不遠千里屬
前賢之遺蹟而永安之人居無窮之人觀之不遠千里屬
予曰山谷翰墨參於前記不窮之觀也抑猶有說焉侯文
定公之曾孫也元豐二年冬公自宋幕謫官來筠閱五
年乃徙績溪於時道院蓋未創也其成也公得政矣專
尙簡靜平易之治簡靜則民肅平易則民親自朝廷以
達於筠好善之化興珥筆之功也風珍使柳侯得以餘
夫治事燕居之所後留筠者入歲剛大之氣充焉性命
年遂遷海上蓋前後留筠者入歲剛大之氣充焉性命

之理窮焉經綸之業豐焉其行誼其語默其文章所以
軌範士民者如父兄變移習俗者如師友傳詩傳春秋
君子皆居此邦之時也夫達而在上膏澤加乎民者既
如彼窮而謫居惠其父老子弟者又如此則尸而祝之
社而稷之如文翁之在蜀也宜哉雖然翁郡守也化不
而施狹故後世雖奉公尤深者孫無聞公輔弼也其化
止乎筠而筠之施人賴公尤深者孫無聞公輔弼也其化
遠也功大而施人賴公尤深者孫無聞公輔弼也其化
石篤餘慶於是邦天之人報其三世固自公之輕重哉
刻之堂上使高安之世毋忘公之德於以勸士大夫
夫之爲善者棟宇云乎哉世毋忘公之德於以勸士大夫
刺史治舍前臨蜀江後接山谷相傳以爲仙堂記筠州
之所居也其地與市井絕造舟爲梁以通往來故其門
庭觀深有名曰無訟堂朝廳散郎許君長卿之所建也
有堂在中名曰無訟堂朝廳散郎許君長卿之所建也
江西支郡始者市區寂寥人物鮮少近歲乃更昌大蕃
富其屬邑布在險阻樂歲粒米不發苟治之有方賈不
至困倉之積守之風俗示以法度以忠恕簡約行之期
年許君之來因其風俗示以法度以忠恕簡約行之期
疾苦求所以善其後者則君之命斯堂與賓客從容爲
吏者其資不同而功效亦異也處誠履素以忠利惕隱
爲民宗主人望其容貌而爭意銷亡此德之盛也先事

立決事至立斷直者伸矣奸僞遁逃此之謂敏次也民
懷其不平出於山澤之中羸糧百里以赴愬於上夾以
銳卒臨以白挺蠢愚者望風股栗迨巡而退亦足以無
訟復有畏憚大吏以矜飾取寓訟於門匿居於市積月
踰時不爲嘗省而固固亦空其形甚似而難實遠矣許
君良吏也吾可以無憂然亦不可不爲方來者戒紹聖
四年正月景定元年燬於兵知州事陳譽修復德祐元
年復燬三年姚文龍知州事因舊址修復元升州爲路
明洪武初改爲瑞州府三十四年災永樂九年知府唐
岳建宣德二年同知潘英建譙樓六年知府劉說勦後
堂正統十四年夏景天順五年李尙復修正德六年華
林盜起焚幾半知府鄺璠修

國朝咸豐五年燬七年重建九年知府許本壩建堂同治

八年知府柳淵率郡紳集資建署門吏舍

謝志府志

同知署在南昌府義甯州銅鼓營雍正六年移駐始建

江西南通志卷之二十一 廟宇一
署舊在堂左

府志義甯州志

經厯司署在府廳左咸豐十一年重建

謝志府志

提督學院行署舊爲察院署在府治右明宏治十六年

知縣謝樞建正德九年知縣應恩增建

國朝順治十五年罷巡按改署爲校士公所乾隆三十一年

知府盧崧重修

謝志府志

都司署在府治左舊爲守備署明崇禎七年建

國朝咸豐五年燬九年署都司蔡上林重建

府志

高安縣署在鳳山之東宋水北先鋒營舊址開寶九年

縣令顧元龍卽其地建縣治元仍之至正間縣丞劉基

重修未幾燬於兵明洪武二年知縣王端創復宏治六

年知縣王本義正德十年知縣應恩先後修顏堂曰牧

愛後曰退思繼改萊柏又改思補

國朝順治十七年知縣黃奎齡修康熙九年知縣張文旦

增修後堂改思補曰學補建軒曰棊竹

謝志

縣丞署在後堂左今移南城元妙觀左

謝志

典史署在儀門內左

縣志

灰埠司巡檢署在治南三十里灰埠墟

縣志

把總署在都司署左咸豐五年寇燬九年把總程景剛

重建

縣志

額外外委署在南城元妙觀

府志

校場在治東迎恩門外咸豐間燬同治八年都司伊凌

阿把總周國榮重建

府志

上高縣

萬壽亭在教諭署之左乾隆五十五年恭建嘉慶十四年知

縣劉丙恭修府志縣志

知縣署在蜀水之北宋紹興十三年縣令謝安行建嘉

定七年縣令張次賢十三年縣令趙汝笈相繼修章穎

門樓記瑞州屬邑曰上高得賢宰張侯名次賢以嘉定

四年來知縣事吾聞張侯之來斯邑也以儒道得民以

經術飾吏不陋其邑不鄙其民寬不至於弛嚴不至於

苛一年而民安之二年而民歌之三年而民政成矣於

是乎緒修之議起焉不於燕處而致丹牘之飾也不於

遊觀而興土木之工也獨於縣之門因樓之舊而新之

樓自紹興十有三載謝從事安行重建已七十餘年朽

將壓矣侯之來也首以此存之心而未暇舉曰信吾令

所當先也令之未信何以行吾政曰裕吾民所當先也

民之未裕何以施吾教上高實望縣東北距州百餘里

南與吾邑接日聞賢侯之政聲樓成函書來告而求記

之穎竊謂官無崇卑皆可以行其志事無大小皆可以

觀其政昔者衛經戴公之時齊侯與之門材宋人伐鄭

取其大宮之椽歸爲盧門之椽是皆假力於他人取材

於他國侯則無是也侯固嘗思之而得之矣初則憚勞

久將重費詔書具存炳若日星昔者官宇閒架之數去

之日載之於卷法度森嚴至今人猶能言之侯之於此
 其思之也熟矣又況百里之地古于男之國有民有社
 宮室之隆殺塗墍之修廣皆有數度門爲一邑之輶
 樓爲一邑之冠冕其可忽諸始工於今年之六月舉工
 於八月之中浣遠近士民莫不交口稱贊益知官府之
 尊嚴復見太平之氣象云嘉定七年九月日記官朱邁
 重修縣治門廊記上高縣正言張公之爲宰也更新縣
 粗爲具體嘉定甲戌侍講正言張公之外大抵歲月久日
 樓輪奐飛始爲壯觀然一樓之外大抵歲月久日
 就敝陋門廡吏舍又其尤者竹椽蠹腐瓦礫飄墮傾敝
 岌業若將壓焉前人豈視爲傳舍而恬不加意哉蓋以
 財用煎熬期會逼迫朝不爲夕若救頭然僅能支傾補
 筭徒苟目前語及革故鼎新則口哇然而置對嘉定戊
 寅孟陬長官趙公交篆視事卽慨然有意於此嘆曰縣
 令乃親民之官縣宇乃近民之地今門廡傾壓如此何
 以聳觀瞻重官府於是度其材量其用室塞臺源搏節
 浮費瓦石竹木日積月累暮年而西廡成再葺而東廡
 備三年而門觀巍峩煥然一新帑不加費民不知役是
 舉也不甚偉歟落成有日召余記之公玉牒也名汝笈
 字景師寓居四明登丙辰進士第今爲奉議郎嘉定庚
 辰縣難丙元因宋舊至元十七年縣丞岳興建廳明洪
 臘月記

武三十年縣丞楊從禮建譙樓正統五年知縣嚴肅建

後堂宏治十七年知縣童旭正德五年知縣張翀七年
王以旂重修嘉靖間知縣陸時雍周包荒陳廷舉典史
劉金相繼修明季燬

國朝康熙四年知縣范時英重建堂曰惠來後堂曰餘清
嘉慶十四年知縣劉丙道光六年知縣林元英重修

謝志

志
府

縣丞署在縣署左舊爲主簿署明季兵燬

國朝順治初缺裁改爲縣丞署十二年知縣易道沛縣丞
許有容康熙十一年縣丞曹延喜修乾隆二十六年縣
丞金明達建門堂三十七年縣丞李裕文增建嘉慶十

四年縣丞林均重修

謝志
縣志

典史署在縣丞署左明季燬

國朝順治九年知縣易道沛典史尹國柱重建康熙十年

典史鄭允乾復修乾隆閒典史賀永平程容楊名貴相

繼修嘉慶十四年典史鍾玉成重修

謝志府志

分防把總署在縣漕倉後康熙四十年建道光六年重

修

府志

考棚在學宮西嘉慶十四年知縣劉丙修近聖書院因

餘地建府志劉丙記略曰上高近聖書院蓋昔知縣

年者丙寅之秋丙來蒞邑則棟宇頽圯落不堪棲息明年

舉行歲試士幾及千人衙齋偏隘無以安筆硯既考

人十集議棚建考棚莫得其地予以書院地廣袤置考

棚於中非隘也又揆度本末選士之所不先於造士乃

相與射覆其地計畫規制二事並舉或者疑之予曰古

政與教合州里鄉黨皆以爲之長者爲之師故論秀書

升考校德行道藝皆於庠序學校始自後世別爲儒官

以郡縣試屬諸守令於是政與教分而選士造士之地

殊今謀棚考棚修復書院俾政教一不猶存古之意乎

於是命匠氏度地程功基少不足藉黃氏祠捐旁址以

助院東毗學宮南面蒙山濱臨錦水外緣周牆中爲講
堂三間東西各二楹截爲四以居生徒堂後爲光風
霽月亭曰經義齋曰治事齋各四間分列亭左右亭後
爲彌高堂中祀周程朱張五先生堂東西各二楹亦後
爲四以棲息山長又西曰蘊軒苑花木可禮賓朋後築
高臺可彈琴咏風瞻覽景物考棚在講堂下東西分列
以次而南至儀門通爲二十八棚皆長丈可習射儀
几席可坐千餘人中庭寬三丈縱十四丈各爲屋兩間居
門三楹門左右各廊房頭門三楹東西各爲屋兩間居
守閤者橫屋兩所各三間列講堂東西隅西爲爨室東
貯器物始事於十四年七月有奇士民樂輸九千七百
土木金石費七千四百三十三緡存公生息用給科生盤
董其役者學博汪君君煥彭君城左丞林君均邱君覲
右丞鍾君玉成何君肇基王君鴻緒夫近聖書院自始
枋以至於今六十餘年幾於廢墜一旦舉而新之因而
擴之以爲歲科校士之地是教也而政典在乎
焉矣趙周兩君樂育之澤其不長流於此乎

校場在縣東門外鷓鴣洲府志

新昌縣

上諭亭在縣治東南觀音閣故址乾隆三十六年恭建縣志

知縣署宋太平興國七年建靖康間遭兵燹紹興三年

縣令范潔重剏二十七年縣令晁公達增修劉愿記略

昌縣門樓知縣事鉅野晁公子開之所作也初新昌為

鎮名鹽步屬高安鎮人有蔡氏者岑嵩兄弟相與獻議

於州曰鹽步去高安之西百里而遙其林壑盤紆川原

迴繞且南與蒙山為鄰不為縣恐不能便民戡茲願竭

力以佐公家之費州請於朝而縣之割八鄉焉雖寰宇

記不載其事獨縣有斷碑云耳前人所書宜不妄也新

昌全盛時因為舊室邑其縣治甚都建炎間盜熾民室

廬歛及官賦戶除其贏躡故迹為堂以聽訟而賓次吏

茭除翳荒賦戶除其贏躡故迹為堂以聽訟而賓次吏

區寢處庖廚之屬大抵略具獨門有未遑晁君論政先

風化而為政不近名金玉其士孫子其民銜轡其吏督

賦入率嘗緩期雖上府不悅君案然一笑不為動或不

免有所鋤艾博牛之蠹而漏其蝨猶恐傷手焉居一

民絕愁歎之聲自天降康粒米狼戾君獨慨念茲樓之

不建垂三十年匪令誰其尸之乃庀器度粗計徒慮材

總其大凡書之以授咸尉趾頃之得巨木於近郊又頗

知其所繇徑皆浮河而至初未嘗一舉踵以蹊人之田

父老相與言曰縣門有樓猶人之有冠冕今令君佚我

力以修我牆屋植我桑麻以製我裳衣一旦縣將有事

工書其略

三

乃率勵丁壯人百其勇凡爲屋二十八楹高四十尺有奇廣袤稱之碧瓦浮煙朱甍映日侈不踰制役不勦民權輿於乙亥之季夏訖庸於明年春旣成君率同寮及士大夫落之酌酒以招山川之靈而祝之曰有山如賓端委於前有川如珎鳴玉立於左右邑之賢才其出也夫酒半晁君前請曰願以記勤君之執事余三辭不獲乃曰天下當患夫貪者多邀眾而生事急者多避事而盜恩澤門之謳謠涖之濟皆得罪於聖人蓋政有典常顧在我不可耳魯叔孫婁執於晉將歸所館雖一日而必葺矧大官大邑底吾身也食焉而任其事而職所當爲者乃患失而未全謀身而遠怨委官居如傳舍翫歲惕日凡有營繕必飾辭曰未可也其在後人彼視叔孫昭子得無愧乎哉是役也晁君知爲政而悅使民善於其職如此當與識者論之

開禧二年

令鄒孟卿嘉定十一年令陳珪相繼修元至元十三年

燬於寇後二年達魯噶齊楊唐古岱原作兀歹縣尹劉義重

勅二十四年達魯噶齊諾海原作那裏復修元貞二年改州

治元末燬明洪武元年知州李懋創復後仍改縣成化

間知縣劉俊重修正德七年知縣李長建柏軒

國朝順治十年知縣趙元勳康熙五年知縣黃運啟修乾隆二十二年知縣李振文重修大堂三十九年知縣王賡煒五十五年知縣徐午增建謝志府志縣丞署在縣署東明洪武元年知州李懋建崇禎七年縣丞楊承震修

國朝順治三年縣丞周瑞星題曰親民堂乾隆間縣丞金克誠王希文重修謝志府志縣志

典史署在縣丞廨南元至元二十九年縣尉蘇澤建元末燬明洪武元年知州李懋建

國朝康熙十三年燬卽五鹽書院舊址重建乾隆五十五年典史劉文炯修謝志縣志

大姑司巡檢署在三十三都奧米市舊在大姑嶺明宏

治元年知縣龔伯甯移建今所明末燬

謝志府志

黃岡司巡檢署在縣西四十里三十八都芳塘元大德

二年置元末廢明隆萬間因土賊李大鸞據黃岡洞為

巢穴地近甯州不相統攝遂置定江巡檢司於黃岡石

下明末圯

謝志府志

分防千總署在義甯州銅鼓營雍正六年移駐始建署

義甯州志

校場舊在東關外嘉慶十九年改建北關外白沙洲

府志

袁州府

上諭亭在郡治東南熙春坊雍正九年知府薄履青恭建乾

隆四十四年知府陳子恭重建咸豐五年寇燬同治七

年知府駱敏修諭四邑紳民捐貲恭建

府志

知府署在城西北南唐昇元初原作保大監郡張承傑

始建後刺史劉仁瞻重新無名氏郡廳壁記

彭城公新建大廳者所以延賓旅服不庭也載筆之士

得角立總敘興復叛亂始龍蛇之起陸旋戎馬以爲墟羣

雄角立諸化風行列郡之俗猶尙草創爰屬大統土德

中興漢戀劉宗寶祚重尊於光武夏思禹力鴻圖復霸

於少康我烈祖光文肅武孝高皇帝反正宗祧光宅宸

宇雲龍自契風虎相符乃命我公解印黃岡擁旌袁水

公半千應運七葉襲勳鄭武公則父子匡周乃賦緇衣

之什賈太守則兄弟理洛愛刊棠棣之詩方枝幹以猶

疏比源流而未浚夏日冬日莫之與並一醅往制奏復

如也初客省司徒清河公監臨是郡乃究尋往公纔臨

舊基召良工而方切運斤奉急徵而遽迴丹闕公纔臨

理所歷覽區中公署則頗極敬哀巷陌而仍多燥澤

日與通判員外郎公議薦斯事矧輿情攸顧帝命

曰俞乃鑄幣廩以市梗枵糲陶冶以備餽覽物無苛費

人不告勞日居月諸厥功克就所建立郡齋使宅堂宇

軒廊東序西廳州司使院備武廳毬場上供庫甲仗庫

鼓角樓宜春館衙堂職掌三院諸司總六百餘間仍添

築羅城開闢濠塹所役將士皆均其勞逸振其饑寒氣

等指搢言如挾纊同孫仲謀之砌壘咸矜鐵甕之堅異

皇國父之築臺取謗澤門之哲終乃圖施丹雘表進朝

廷飛章陳戮力之功丹鳳降紫泥之詔褒崇迥異賞賜
有差先是茲郡鬻竹木柴炭者有杉門之稅公乃復南
頓之免於是豐財足用士庶易其居第二載之內闕
鄉比公儉於身而富於人孝理家而忠奉國心惟惻隱
德契清甯昔漢宣帝有言曰與我共理者其惟良二千
石乎卽我唐得斯人也暨先皇晏駕聖上御圖慶賜逮
行無有不當敕升袁州都團練觀察處置等使賜貞威
將軍食邑三百戶褒政績也邸之大廳舊有壁記以紀
方伯除任授代自干戈倏擾歲月微失其本來唯存姓
氏乃命筆吏敘而補焉故使刊勒復紀於壁某年五月
記一日呂延眞復修葺宋景德間知州事楊侃增修郡廳
楊侃記郡之有廳所以便臨事也長吏大其庭峻其階
深居以自重使下民望之堂上千里雖訴冤而來必抱
恨而出矣其或公門大問民見無阻寔宇之制不與等
威階無尺高坐與軒近上下之言接左右之藥開臨問
其是非就辨其情僞則何細而不紊察何隱而不知乎
之於江南北中郡也地接湖湘俗雜吳楚壤沃而不利
繁而訟多自皇宋創吏權而責治術天下之郡吉稱難
治而袁實次之何者編戶之內學訟成風鄉校之中校
律爲業故其巧僞彌甚雖刀必爭引條指例而自陳訐
私發隱以相報至有訟一起而百夫繫獄辭兩疑而連
歲不決皆謂弊在民知法也抑法者民之街勒上執之
可以御下下持之可以犯上也故子產鑄之於鼎鄭

國不聞不治商君令之於市秦人不聞不畏且民者冥
也以其冥然無知所以難治也今袁之民既皆知法是
易治也非難治也其由在上者自素其法故民得以紛
紘於下也嗚呼政不廉法不平雖非良民口不可寒也
既廉且平袁民其如予何侃臨郡邑十有八年矣去年
秋自筠移治是郡察弊問俗不俟下車亦未嘗敢變十
八年之所行也既而獄訟清郡事簡比前所治不見其
異則知有不治更無難治民溥天之下莫非王土安有
袁乎吉乎易治郡乎郡庭之西有複廳焉巨梁中折別
柱四扶漏若不居今歲田農斷飛燕來不巢人過恐壓
數守空而命凡民有州縣之役於版圖者均出其財以
多休息乃命庀徒咸出卒伍無勞民也營繕既畢規櫺
助興葺命工庀徒咸出卒伍無勞民也營繕既畢規櫺
咸新不志以文來者何觀時歲在敦牂月次應鐘日記
建炎三年知州事汪希旦重建戟門淳熙四年知州事
張杓原作杓同重建隱齋及譙樓兩獄張杓隱商記予弟
以書來曰杓幸得備位郡守懼無以宣上之澤於斯民
乃辟便齋於廳事之旁日與同僚講義之疾苦相與究
復之暇則講詩讀書於其間以自培養敢請名子嘉其
意為大書隱齋字以寄蓋取孟子惻隱之心之義夫所
謂惻隱之心者惻然有隱云爾嗟乎是心乃子民之本
也一日夕之間事物之接乎吾前與夫講論之所及思

慮之所萌所謂惻然而隱者如源泉之達續而不窮
而施於四境之內者雖不可以已遠矣君子其體是心而存之
而充之勿使有愛人之者而已語曰君子學道則愛人本
貴乎學矣雖有過絕人之爲政者苟不知是心之汲汲然憂
說焉人之情於其始也惴惴然懼其不免也汲汲然憂
其寡矣及也察民之從違而未敢安也則是心之汲汲然憂
者寡矣及也察民之從違而未敢安也則是心之汲汲然憂
肆政之所繇也嗟乎可不隱者將汨於因循而息於令
箴微之言不聞於吾耳哉併書之使刻置於壁又可使
重修兩獄記張侯守袁州之數月政平惠洽閭境安帖
宿弊不留方春時吏以囚病告侯侯即命醫診療往視
狂則屋朽欲壓外壁虧疏旁溝壅閉淫雨無節病故交
作退謂僚佐曰愚民抵冒至此罪重法當繫又爰書訊
鞠論報法不當泄獄所由立也有如敗腐湫底弗圖使
病者得不當死之非過與乃節浮費得錢百五十萬
有奇度木於山募工於民周以垣牆培厚基址撤舊屋
而增新之堅而明寬而密飲食洗濯之器左右具足爲
外牢二一待病者懼辰氣之染一待寄防漏言之失
思慮周備可爲後法經始於五月之數更易百事廢弛
之中於是邦人相與言此邦適太守力不以他及而先斯
之來梏吏姦恤民隱有土木之餘力不以他及而先斯

獄請有以記之琦聞君子之政有本末末古之知法者能
省刑本也今之知法者不失有罪末也法不失罪願以
爲末於獄何有雖然利欲熏心與外交馳相戕相博愚
民何知有法縲綬之下困苦抑客氣剝落天理漸復也
往其已弊弗顧諉曰不忍以是待吾民毋使完備而
恥格之民不至嘗考月令有繕囹圄之文而漢詔以囚
不瘐死者爲吏殿最重人命也侯之用心可不謂仁矣
乎爲吾告袁之人畏法守義其自今使亡一人之獄則
爲報侯之德也已侯名杓字定叟涪熙丁酉九月望日
記并創頒春宣詔二亭嘉定十二年知州事滕強恕再

新之元至大中達嚕噶齊和塔拉托音忽都魯脫因重

建至順三年路總管錦州布哈原作略加繕修歐陽元

爲郡介江湖間山水清曠風氣厚密其神能靈其民能

爲縣介長吏因俗易使鮮以花擢由容臺來刺名郡松

冬十二月通議大夫錦侯治東柱西指視厥門廡上漏

未黔突畢飭之館賓幕之次以及燕休之堂登眺之樓游

旁穿部使之館賓幕之次以及燕休之堂登眺之樓游
息之圃觴詠之亭府史胥徒庖廚廩廩舊有位置之樓
不治或傾欲墮或危欲壓維時錦侯乃言曰治官猶家
屬宿戒父老斯徵富民進而爵之侯乃言曰治官猶家

家之隆替觀所恆居垣墉虧疏庶陛夷削凡百廢墜推
是知之視彼富潤有覺斯極勢固不作亦所自致矧今
牧守視古侯伯維今富民其道視子其分視臣爾退而
處服御華好側睨長上居懷帖危縱我違卹甯汝獨安
吾嘗觀風考期程工售濫惡苟完未幾馴致朽撓粵有
容奸欺官督故事常在得已輒持兩端媮容目前遺患厥
後吏拘牽滋以病眾斯二弊者吾實恥之今及汝約
恆產高下推次惟汝工稍多寡陳力惟汝官不督迫吏
無徵呼汝某治甲汝某治乙我惟示成有樂者與期及
汝配於是父老曰使富民曰宜言訖飲酒罷而無虞者
期子來並手角能植者用壯承者用隆寡者無虞者
無墟械者砥平磨而覺之丹者黜者用隆寡者無虞者
惠先後工詭完美如一突從衡極數百計悉前所陳
煥若新作侯乃於日共具牢醴合樂落之又進父老及
諸富民爵如初儀爲之言曰維此宜春郡治奕奕山川
登靈神降純嘏暘雨時若年穰穰民富以教士秀而
文吾幸處此與爾同休去即傳舍凡厥公且矢於神
守何與茲父老富民咸下其手合辭報公且矢於神
賜蕃祉與治俱新天子萬壽百歲斯頌公敬以信受命
上服勞其親筮占在茲施我子孫無遺公憂以愧我民
參軍揚爲奉圖走書來求予核其事辭以釋之且告來
者嗣而續之有廢不理眾手憾之爲從子游爲我百之

是役初作郡牧之長伯顏帖穆相與欽之用迄於成是
皆宜書尉韋元輔實董其事吏宋必達又宣力焉侯至
之明年壬申九月僦工又明年癸酉七月竣事記以是
年之八月壬申九月僦工又明年癸酉七月竣事記以是
會於公無明永樂正統間知府朱瓚姚文繼修宏治間
從稽云

知府王俊建後堂正德七年知府姚汀新正堂吏舍八

年知府徐連至始落成附申時行袁州府題名記周官

其職業相參而輕重相得為法於官府必建其正設其貳
如之夫守大吏也天子側席而求劄符而命擇能而使
大者據十數城小者不下數萬戶一境之內齒類林立
守得而存亡休戚之掾吏鱗比守得而臧否廢置之闕
郡之喜懼繫其解顏蹙額之際其位亦高而勢亦重矣
賢不賢在其臂運指使之際則專故復有材賢者受命
高而無輔則孤勢重而不分則專故復有材賢者受命
於天子而為之佐而守之於佐或心誠相知道誠相和
有謀議則就諮有煩劇則聽理然後佐之於守亦將志
得意附畢智盡力以攄發其材之所能為而輔其守之
所不逮於是郡中之治益起而守之譽益尊此交修協
贊之道也今之為守者挾尊官據重勢以爲一郡之政
事惟吾操縱弛張可以恣睢而無忌視其佐蔑如也而
爲佐者亦外受掩抑而內自闊疏其禮節不能相下心

志不能相孚則必相視漠然如秦越
易其守以蠹政敗官已耳嗚呼此豈
意哉袁州江右一大郡也當湖湘之
風其民固號難治會天子明聖銓司
皆精擇而器使之一時良吏於斯爲
寅實同知楊君自通判胡君夢桂推
後展止於袁既協力同心展采錯事
興以來吏於斯者踵接矣而名氏不
郡志之闕哉乃相與立石題名而郭
予爲記以爲郡縣之吏誠循良慈厚
民其在位則歌之去則思之沒則祠
金石其他暴殄殃民貪墨敗官者深
矣奚名之足傳邪然在諸君有深意
良綜核名實奔走率職而諸君不日
有司羣吏良佐吾輩之師也不且惕
某賢守某良輩之監也不且復失職
佐而不良吾輩之師也不且復失職
期在對揚休命以業厥官其亦銘戶
且諸君固東西南北之產也幸生同
同舉志同趣不忘前事之大矣繼是
也深矣其有利於袁也大矣繼是而
君之際能無惕然而深思趨然而慕
以傳已茲刻也知府自朱守仁通判
知自孫養浩郭銘而下若干人通判

下若干人推官自陳谷表陳全而下若干人名氏資歷
具載其下若袁之山川風俗詳在郡志中茲不復論著
云隆慶間知府鄭惇典重修崇禎中火

國朝康熙三年知府李芳春重建李芳春記按舊志重建

惟郡守廣漢張公杓任其事公為丞相忠獻仲子江陵

連帥先儒南軒先生母弟於時甫其年修學增陞百廢

具舉而郡治隨之鼎新云歷宋元至有明因循補苴迄

壬午府堂災蒞茲土者率草草一亭視事罔稱臨民規

模余以日慨焉興嘆然見閭左凋耗甚無居人而聚垣

始至之春脊未艾方惘然於衷因謀之寅屬延訪紳士

環疆者容疾苦撫循凋瘵興學課士增陞濠次第粗

父老周容疾苦撫循凋瘵興學課士增陞濠次第粗

舉尤以郡城空虛多方鼓舞自癸卯迄甲辰中問往來

亦閱暮年未敢謂政通人和而袁郡士民似頗相倚仗

時蓋飛鴻漸集百堵可作余躬行勸勞環視四城得新

居若干楹煙火相望余顧而樂之乃庀材鳩工為鼎建

郡治公堂計自始事之日至今告成無刻不以勞民傷

財為凜凜幸同官助勤吾民予來屬役奔走得竣厥功

而其間經度營表遵匠程材之苦既恐妨吾民又慮

弛吾事念之茫茫百端交集者不知幾一日九迴矣今

也羔羊朋酒小大稽首暨同事諸公咸謂不可以無記

余以三韓鄙劣敬謝不文特爲志其糾工始末同事姓名庶幾竊附於廣漢張公之末以告方來後之蒞斯堂者謹思創始之艱相與噢咻吾民以無負斯役也則予日望之工始於康熙三年十月成於四年三月計大堂一所二十八楹前堂一所十楹經厯司照磨所各堂一恒司理鄭公燭屬邑宜春知縣范延鳳各捐助有差督工萃鄉知縣臺瞻斗萬載知縣范延鳳各捐助有差督工巡檢魏映奎頗著後知府葛繼孔建瞻韓亭雍正三年勞勩例得備書知府李英十二年知府薄履青乾隆三年知府程文華二十年知府陳廷枚先後增建大門儀門陳廷枚記周官府釋者以百官所居曰府爲臨民出政之所未可以傳舍視之故治蒲者入其郭公宇修明觀政者以爲三善之一唐房琯所歷之地皆汲汲繕治辦舍宋寇萊公儀道州公宇立成至間於朝然則衙署之設所以肅威儀崇體貌固不可以苟安爲重民力惜財用也袁州在漢曰宜春三國屬吳安成郡唐以後最著而前明朱守仁撫字尤有方若府治建置之功則宋濬熙間廣漢張公杓爲之之力居多前明壬午火災後太守僅以草亭視事迨國朝康熙三年李公芳春來守是郡經畫重

建於茲又將百歲歷年既久漸就頽圯前官雖屢請重修皆以經費不足而止邇來傾危日甚風雨莫蔽勢將露處坐廳事者時燼壓覆之懼因陋就簡其何以堪予自乙亥仲夏由嶺南量移茲土下車之日即欲從而鼎新因工費繁重未克驟舉而經營相度維繫於懷爰詳請車修費蒙大憲俞允通計工料需銀八百有奇議以府縣先行墊用俟書院租賦所入贏餘按年扣補循例委官規撫制度悉仍其舊惟二堂西偏添設一廨以爲辦公之所內衙後圃另建一亭顏曰靜觀而大門儀門則略加粉飾所以肅觀瞻也夫李公當國初底定之時尙孜孜興舉廢墜以奠安其廨舍矧際累治江山清晏官有餘閒民無怨咨則奔走力役宜乎各識予來之義不數月而甯我居處也有如是從此宣猷布令風雨除而鳥鼠去更冀吾民共安熙皞不以乾餼雀角輕涉訟庭則太守俯仰斯堂得以眺咏山水涵養民物慶安宅而歌樂土豈不休哉所有承修督工官吏匠役例得附名勒石嘉慶間知府王朝颺二十三年以表勤勞以誌不朽

知府隆泰重修咸豐六年燬八年知府福綿檄四邑捐

修同治七年知府駱敏修重修大堂

謝志府志

同知署在府正廳左北向袁山明萬歷中同知陶之省

修

國朝乾隆二十三年同知楊應瑤遲之鈺相繼修葺道光

十三年同知吉成重修

謝志府志

經歷署在府署左崇禎壬午火

國朝康熙三年知府李芳春重建

謝志

提督學政行署在府治東南舊爲兵備道署康熙四十

五年知縣江爲龍詳請合郡公修增建廊廡乾隆五十

三年萍鄉貢生文守元捐修併建南北兩舍考棚嘉慶

十一年改建考棚於署東偏立爲十二棚咸豐五年燬

十年知府陳喬樞倡捐重修

謝志府志

協鎮署在城東枕宜春臺北向康熙閒總兵趙應奎捐

買民屋枋建雍正乾隆閒副將李登科陳益田邈先後

修咸豐五年燬同治四年副將瑞林修復

府志

中軍都司署在協鎮府西康熙間建乾隆中都司張黨

官德齡先後修咸豐六年燬

府志

千總署在協鎮署前康熙二十四年副將梁鼎捐建

府志

大校場在宜陽門外一里明景泰七年立

國朝乾隆二十三年副將田遜增修

府志

小校場在宜陽坊報恩寺西偏順治間建

府志

宜春縣署在府治北初在東城內隋大業三年移於州

東七里宋紹興三十一年縣令胡安老始徙城內善政

坊元季兵燬明洪武三年知縣仲時舉以舊址狹隘遷

今所嘉靖二十四年知縣凌汝志修

國朝順治間知縣陸柄謙修康熙三十八年知縣張綸四

十六年知縣江為龍修乾隆六年知縣楊元生重修咸

豐六年燬十年知縣何同文修復謝志府志

典史署在縣廳左前謝志

黃圃司巡檢署在石裏鄉距城百里為郡西要害明洪

武初建

國朝順治十五年巡檢魏映奎重修謝志縣志

分宜縣

上諭亭在縣治東雍正九年知縣譚獻策即察院故址恭建

乾隆十三年知縣鹿聖敬恭修府志

知縣署宋雍熙元年析宜春地置縣濱秀江景祐三年

大水縣令王揆建長樓架閣以備水患唐靜記國朝雍熙中以袁州宜

春地大民眾析二萬室為分宜郡東馳一會置理所於水濱水之名曰秀其流三百里昔人詩賦多稱之景祐

丙子夏苦雨水驟漲民廬墊官舍圖籍公陳藎蓄靡不
壤實自平日規構不圖遠其址下材用樸楸歷政者視
之猶旅寓故其陋也寢久患至而不克救時琅琊王君
以佐著作爲之宰務以道德佑其民然而遇歲凶叫饑
者盈塗日與其佐萬吳二君子周爰振給故茸壤圖新
僦工勞力而不忍也吏有詳利病之經久可爲者爰集
其徒與富民議其故曰吾邑之罹水患也公宇壤旦夕
居者懼危屢陳儲因繫燥溼無所避吾邑長公宇壤旦
仁明固不忍徭於一丁而斂於一戶然則吾儕之介箱
恆有積遇饑年而不知散盍捐乎萬一以助營結與夫
修佛宮飯緇流希諸福而發其財者首之飾去一髮耳
不亦愈乎眾曰然君與二佐悅聞之甚雍暑之得涼颺
餒腹之遇嘉穀也一之曰言風乎境內二之曰日齋金粟
而臻者連連莫之能禦專委吏司之出納謹其籍凡百
規度稟君之連風旨自是梓人獻能市巨材於山隆其址
十倍於舊遠邇之饑者日傭千夫揮鉞運土彈工致力
實腹而暮歸未十旬而厥工告備矣開闢東西爲二佐
居揭重樓以祀救書翼修兩廊以分吏局高廩庾以虞
後患器狴犴以副欽恤自蒞事堂卻眠正寢幃幃然至
於庖廚齋閣靡微而弗具煥乎軼大壯之妙矣民始知
百里之任如古諸侯之有制也或嘆曰豈水之患乎天
假吾邑長因其壞而變其陋矣不然何以使人發其財
而忘其吝也如是哉又曰豈天之欲新是邑乎假吾邑
長因歲凶而活其民矣不然何以日傭千夫使之無菜

色也。如是哉。識者謂君之蓄道藏德發之。以惠民。豈止是而己乎。若將適千里。聘騏驎。初舉足於莊道矣。然而棟宇之設。古聖人著之於經。取之於大。壯不可謂之細務也。衛文公徙居楚邱。營宮室而百姓悅之。故詩人美焉。著於篇。曰。公不可。修方中。作于楚宮。揆之。以日。作于楚室。泊乎。晉昭公。不能。修方中。作于楚宮。揆之。以日。作于楚室。泊山。有栲。隰有杻。子有廷內。弗。西。弗。埽。則。詩人。刺。焉。著。於。篇。曰。刪。自。聖。手。垂。世。以。爲。法。式。豈。誣。於。後。之。人。乎。若。君。之。爲。邑。知。言。者。宜。乎。美。矣。靜。風。受。知。於。主。爵。清。河。公。伯。起。見。其。取。人。也。詳。非。名。符。於。寶。則。未。始。輕。譽。嘗。謂。靜。曰。子。潛。運。於。江。西。按。部。凡。十。見。其。政。則。殊。者。王。分。宜。而。已。濟。水。之。爲。患。人。甚。賴。焉。予。狀。其。實。聞。於。朝。廷。請。三。載。成。績。使。之。斯。蕪。振。墜。則。其。民。永。永。爲。利。果。未。幾。詔。下。從。之。不。獨。彼。民。之。幸。亦。予。之。幸。也。靜。移。疾。訪。醫。因。道。出。於。斯。見。其。吏。之。與。民。萬。口。一。舌。求。文。以。永。其。事。固。知。伯。起。之。賢。其。知。人。也。如。是。用。發。其。辭。請。刻。石。丁。丑。季。春。十。有。三。日。也。酒。祐。開。令。李。宏。規。修。元。季。燬。於。兵。附。歐。陽。元。分。宜。縣。袁。上。邑。置。達。魯。齊。縣。尹。丞。主。簿。尉。各。一。員。尹。以。上。省。選。丞。以。下。部。選。起。至。元。十。三。年。丙。子。迄。今。至。正。二。年。壬。午。六。十。又。七。載。仕。於。斯。者。接。踵。而。邑。未。有。題。名。浚。義。趙。君。思。順。以。世。家。文。隊。來。宰。斯。邑。二。年。官。政。修。舉。乃。考。索。故。府。得。應。政。名。氏。到。罷。歲。月。悉。登。載。諸。石。某。適。訪。族。邑。鈴。岡。南。防。里。屬。題。其。端。以。告。來。者。嘗。謂。題。名。之。設。官。署。

皆有之本非以為勸善也而其道寓焉士愿官服采人
品不齊上焉者不恆有下焉者無庸言中人苟且之政
十居八九其志皆為三歲終更身去是即已殊不知身
去而名留臧否何可泯也使能以是而存諸心則知官
之為洞煉也久矣雖然謂其身去而不之恤者無才而
闇於事者也求為有名至於生事以厲民者有才有過
乎中者也某既謂題名有勸善之道則不敢不著近名
之弊以為戒趙君為我刻之後之覽者有以自省則吾
鈐岡之人繼自今受廉勤之福於無窮也明初知縣張仁主簿桑以
賜而被愷悌之福於無窮也
時重建宏治三年知縣曹忠正德七年知縣蕭時賓修
嘉靖二十四年知縣申思夔重建萬曆十三年知縣周
應治修

國朝順治十四年知縣張懷德修十七年知縣朱鼎重建
吏舍康熙十七年知縣林笙重建譙樓二十年知縣蔡
文鸞修雍正三年知縣譚獻策重修乾隆元年知縣鹿
聖敬二十一年知縣楊宏綱先後修二十八年知縣楊

長桂三十六年知縣林邦珖重修

謝志府志

典史署在縣正廳右

府志

考棚在教諭署東

縣志

分防把總署在縣治東

府志

校場舊在邑東今改邑北西磯岡東嶽祠廢址

府志

萍鄉縣

上諭亭在鳳凰池南雍正十二年知縣熊我蘇恭建乾隆二

十六年知縣張枚嘉慶十一年知縣周繼忻恭修

府志

知縣署在縣城鳳凰池北唐武德中縣令唐萼建宋崇

甯間知縣黃大臨建唯是軒

黃庭堅記庭堅航荆江略

出萬載宜春來省伯氏元明於萍鄉初元明自陳留出

尉氏許昌渡漢河越江陵上夔峽過一百八盤涉四十

八渡送予安置於摩圍山下留數月不忍別士大夫共

慰勉之乃行掩淚握手為萬里無相見期之別轡中九

年白髮來歸而相見於此訪舊撫新悲喜兼集其情有不勝言者方予入宜春境聞士大夫之論以為元明盡心盡力視民有父母之心然其民歸訟異於他邦在慈仁太過不用威猛耳至則以問元明與子弟仇敵使宰百里固欲安樂之豈使操三尺法而與子見敵哉昔漢宣帝患勦海多盜賊起冀遂為太守及入見其老而悔之遂進而問曰渤海之盜陛下將安之邪予嘗許遂以後宣帝喜見於色曰張官置吏固欲安之也皆廢吾不猛以為天下長者夫猛則玉石俱焚寬則公私皆廢吾不猛不寬唯其是而已故榜吾所居軒曰唯是漢循良不過如此萍鄉邑里之閒鷗鳥且為鳳凰稂莠皆化為嘉穀矣因書之屏間以慰別後懷思云庭堅建之來以崇甯元年四月乙酉而去以十月己亥建

炎燬於寇紹興丁巳縣令郭濤重建

江淮記略云紹興

侯自萬載移宰萍鄉從太師丞相李公辭也建炎己酉賊作縣治焚八年來令二十有七視事皆僧舍間有銳意興作者俄以沮弛去是時吏狃於姦民弗服教誨者善訟以誣官長為能事悍者恃公以抗賦役為得計士大夫至皆以泮鄉為不可治邑令則多更縣治終莫能建也先是邑政苟玩保無長無正侯之來此深悉其積弊下車首閱戶版按民之抗不役者三日捕四百人咸拱手聽順乃曰吾可以治賊矣於是榜諭四馳譬

以禍福賊遂率其黨各招撫釋白刃遮道來納於公公
寬其罪令歸農給之以田羣且誘其徒以歸賊既平縣
民遇相謂曰吾僑小人幸得保有室家矣如縣治不立
其何以重百里盍悉力圖之侯聞之曰政在謀始余惟
順爾諸民願其尙鳩乃工庀乃材俾速營於茲邑丁巳
春正月羣力並作越三月告成公徙居於此余與其賓
佐慶焉且勞之曰萍鄉不治久矣今者屏姦健訟者鼠迹美
有輪商無隱貨酤無私釀弄法者屏姦健訟者鼠迹美
哉政之行矣念斯縣治也向者賊作一矩成墟今者賊
平三月畢役任勞力小民之功至捷至神我公之德
公謝曰不然古之善爲政者在於奉天子德澤以字養
元而巳吾亦何敢勞吾民今以爲此民心實樂從之
成之固易且亟也以余觀之天下吏無難使民無難化
顧御之何如耳萍鄉豈真不可治乎余以漕務來此觀
公之明敏果斷充其所爲蓋將有大焉者縣治之建惡
足爲公異要亦可觀其才矣始而邑之多故勢不暇給
奮其力以爲民既而公事之勤果得其心之所樂爲宜
成之易且亟也若其難邪其不難邪於是書其營
造之由與其年月並敘公之設元爲州治至正壬辰燬
施如此公名濤次山其字也

於兵明洪武三年知縣趙彝仍舊址重建四年李順英
繼成之成化四年知縣黃璿增修正德間知縣胡佩建

譙樓萬厯七年知縣常自新陸世勣相繼修崇禎末兵燬

國朝順治十年知縣吳興祚仍舊址創建嗣知縣刁之裔
余士聰增建康熙三年知縣臺瞻斗修雍正三年知縣
王用中乾隆十八年知縣沈廷標二十二年知縣張敕
四十二年知縣馬友蘭四十七年知縣胥繩武相繼修
咸豐八年知縣哈爾噶尙阿重修同治十年知縣王明
璠修吏舍

謝志
府志

典史署在縣堂右康熙二十年典史余震建乾隆四十
八年典史鍾式金修

謝志
府志

蘆溪司巡檢署舊在縣東九十里新店市名大安司乾
隆八年改駐縣東五十里蘆溪市易今名建署四十九

年大水圮巡檢陸繩五重建府志

安樂司巡檢署在縣北八十里上栗市乾隆四十四年

巡檢鄭時敏修謝志府志

分防把總署在縣西隅康熙十年把總周智建縣志

考棚在城守營右乾隆五十七年合邑公建縣志

校場在邑治西門外明知縣陸世勛建亭府志

萬載縣

上諭亭在縣治北

國朝雍正九年知縣嚴在昌卽吳公講堂故址恭建府志

知縣署在城西龍山下吳黃武中置縣晉太康中遷邑

東二十里唐武德五年遷舊所宋建炎三年燬於寇紹

興五年縣令徐昇重建徐昇記萬載本高安故地初置場隸於洪僞吳順義元年也後

爲縣隸於南唐保大十年也
皇朝下江南遂判屬袁州則開寶八年也
建城而復舊名則紹興元年詔也
珥筆之號茲邑雖例蒙惡聲然民淳訟簡風俗特異其
產才代不乏人義烈慷慨則有若蘭相如風穎秀邁則
有若謝康樂遺址具存遺風可想焉舊治地勢隱然負
皆世居其土遺址具存遺風可想焉舊治地勢隱然負
山帶江民安物阜逾二百年建炎三年十一月敵騎長驅
豫章叛將杜產率羣盜乘亂焚劫明年正月友輩支黨
蹂躪自是井邑爲邱墟繼而劇賊曹成馬友輩支黨
蠢聚大者數萬小而者數千據我郭郭血肉我生靈狼殘
虎噬歲無虛日而邑境殆無噍類矣紹興二年冬昇被
命謬職宰字於時潰寇劉忠張成各擁眾蟠踞山谷縣
官日與編民駢肩穴處以避難無復辨高下胥吏與案
牘鼠遁類脫兔首鼠無復視縣衙治故所則林樾蒼然因嘆
而散徙無復安土計予視復供衙諸士庶捐老弱棄墳墓
息曰昔衛有狄人之難渡河野處狼狽失措文公營楚
邱建城市立官政府民始有地所歸而國由以興且縣治者
所以臨眾庶施政令之安集夫民社戰乃乞師以靖兇殘
焉今圯廢若此何流亡比年賊社民漸有生意遂以八
而扶療瘡痍招撫瓦礫鳩工度材庶役並舉己亥建柱
月丙戌翦榛莽斥瓦礫鳩工度材庶役並舉己亥建柱
架梁辛亥遷入視事且督促焉九月廩庖賓廡各
寢之堂聽訟之廳吏舍獄寺堽庫倉廩庖賓廡各

攸序而崇卑廣狹率視故基者仍舊典也寸木片瓦悉取壞宇棄材而罔有科斂規模簡儉麤庇風雨而不務壯麗者惜民力也方凋殘而興土木人不以為病纔四句而訖工人不以爲亟者民人離散失所依而喜有官府也嗟乎自藝祖有天下百有六十餘年間承平日久人不識兵革燕安鴟毒恬不爲慮豈知一旦變亂窮僻如是邑亦蕩析靡遺今既修復矣而邑人自兵禍以來得脫萬死以復見此邑之成者亦甯有幾然則後之生於斯舍哺鼓腹於斯者豈得不念此哉故昇雖及瓜將代不可不書其廢興之歲月俾後人有攷焉紹興五年立冬嘉泰中知縣王僕踵修元復易於治東北四十步至正壬辰燬明洪武甲辰知縣趙中復移今所成化三年十一年知縣陳璨重葺正德末知縣張邦穀拓建嘉靖間知縣陳府增修譙樓耆民龍昇通捐修萬厯初知縣陳王庭構正人軒崇禎三年知縣韋明傑增修國朝康熙五年知縣范廷鳳重建甲寅兵燬十九年知縣常維楨重建三十八年知縣何錫命雍正二年知縣施

昭庭三年四年知縣程元度七年知縣許松佶十年知縣汪元采乾隆二十四年知縣張立中三十六年知縣陳成謨五十一年知縣謝袞嘉慶元年知縣陳大春四十年知縣來珩十五年知縣吳樹道光七年知縣陳文衡二十五年知縣崔登鼇相繼修咸豐五年燬同治七年知縣王麟昌諭紳民集資重建謝志府志

典史署在縣署右康熙五十年典史顧景默建五十九年陳復球雍正六年徐鳳誥嘉慶七年王書政重修咸豐五年燬同治七年重建謝志府志

珠

一作

樹潭巡檢司署舊名鐵山司在縣西一百二十

里瀏陽界明崇禎六年知縣韋明傑遷移珠樹潭

國朝康熙七年巡檢鈕嘉豫六十年馬昭遠先後修咸豐

六年燬同治五年巡檢謝嘉猷率邑人捐建謝志

守備署雍正五年知縣程元度卽縣西布政分司廢基

建府志

黎源哨把總署在縣北一百二十里雍正三年知縣程

元度建府志

考棚在縣治西明德坊嘉慶四年合邑創建道光二十

六年添建兩廊號舍五百二十坐咸豐六年寇燬同治

八年邑紳宋仕豪捐建縣志

校場在南浦橋明宏治間知縣張文建亭府志

臨江府

上諭亭舊在府前關帝廟右道光二十七年謹改建經歷署

左府志

知府署宋淳化三年知軍事王禹錫建在富壽岡左元至正十二年燬明洪武初知府黃庭桂劉貞重建宏治二年知府戴瑤增建嘉靖六年知府錢琦復建靜治堂左有黃冊庫變駕庫思過軒體仁堂澄心亭左右有蓮池後有一鏡堂

國朝康熙九年知府王撫民重建譙樓王撫民記嘗讀春南門春秋議之何譙乎爾曰民勤於食也勞民爲重事也兩記以春非時也由斯以觀後世臣民上者欲有所興作於一日豈不難哉雖然勢有所難緩權有所可通必也不傷財不害民而又舉事以時乃可以無議乎官衙頭門有譙樓所以司更漏定晨昏抑亦形勝攸關非直爲遊觀地也臨郡譙樓創自宋元明洪武初一修於劉公貞百二十餘年宏治庚戌重修於汝陽戴公瑤至於今將二百年矣今括据八載休息愛養民生州正升任茲土初見譙樓頽壞瓦椽飄零惻然思所以新之時諸廢待舉未遑也今拮据八載休息愛養民生稍遂郡務漸理而樓之頽壞者日就傾仆而不能以少待於是進諸寮屬而謂之曰是一郡之觀瞻也及今不

修前何以承後何以示厥爰具文請於藩憲李報曰可
余乃首事竭力蠲俸廳僚各有蠲四屬縣各蠲百兩購
材鳩工眾役效力自八月至於十月三閱月而棟宇門
楹上下一新矣始費費之一文不及民財衙役役之一
甄不及民力且載以前朝之庚戌修待二百年而余以
免焉夫是樓也庚戌復修先庚後庚數亦非偶庚者更
也庚爲金今上之庚戌復修先庚後庚數亦非偶庚者更
巍乎大觀也哉登斯樓也遠近畢囑觸物興思見煙火
麟次樂吾生齒不則思所以教化見田野腴穰樂吾桑
吾風俗之醇不則思所以教化見田野腴穰樂吾桑
之盛不則思所以勤耕至若風日晴美賓明僚友譙集
其上或登高而賦或憑欄而眺排江松石遠岫蒼峯魚
鳥之出沒風帆之下上雲物盡在目中建樓固不爲遊
觀卽以爲遊觀豈有不備乎是宜記之貞珉俾後之守
茲土者共知重修之所重云爾在事僚屬皆助成有功
之人也並
得書名
乾隆三十七年知府李昌昱道光二十六年
知府史麟善相繼修咸豐七年譙樓燬同治十年知府
德馨海霈重修

謝志
府志

通判署舊在同知署左乾隆三十一年徙建清江鎮東

街咸豐七年燬同治四年通判嵇元鈞重修謝志府志

經歷司署在正堂左咸豐七年兵燬謝志府志

照磨所舊在正堂右乾隆四十三年移駐樟樹鎮謝志府志

提督學院行署在天甯寺右舊在東街察院署左

國朝康熙四年知縣屈有信重修二十二年裁湖西道四

十二年知府高毓麟知縣甯堯采添建號舍改爲試院

乾隆三十四年知府李昌昱重修江廷璵記臨江試院

太守李侯新之拓其樞爲五增置號舍舊之半工既竣
余以試事至臨顧而樂之曰美哉李侯之能以文教治
其郡也按試院舊爲分守湖西道官廨後奉裁去遂因
爲學使者校士之所康熙初宣城施愚山先生守道時
振興風俗導行禮讓復以詩古文辭教授郡人士皆知
讀書自愛故臨至今稱易治方今
教洋溢海內文運駸駸日上歲戊子
又命儒臣編纂太學志今年春舉
詔修成均臨雍

之典織輔之士咸得觀光日下被服觀聽親見
上之所以右文勸學而江國諸生延跂於數千里外由
江國推之四海之內聞風興起為何如也夫導宣上意
學臣之職也余進而誘掖獎勸使之漸摩而有成者又賢守
臣之責也余進臨之士而試之離騷彬粹然儒者及
閱其文其上者精純其次者格守繩墨雖工力不齊而
怪僻浮囂之習無有焉乃益嘆愚山先生之澤弗衰而
今日李侯造士之力為多也昔文翁治蜀能尚文教民
皆化之故文章之盛遂甲天下則夫繼愚山先生之後
以奉行之故文章之盛遂甲天下則夫繼愚山先生之後
者余與李侯有責
焉是不可以不記
嘉慶十一年知縣方宗敬增建號舍
編為六棚道光八年聶宗周捐修咸豐七年燬九年重

建謝志
府志

都司署在南門忠烈廟右乾隆三十三年建
縣志

把總署在樟樹鎮
縣志

清江縣署南唐昇元二年建在軍治右元遷左明洪武
十年復遷右天順六年知縣葉淇修宏治三年知縣李

璵復修七年知縣萬琛建堂曰存心嘉靖二十七年知縣沈淮建正堂曰親民四十二年知縣廖文光復建儀門崇禎間知縣秦鏞重修

國朝乾隆二十九年知縣德隆重修後知縣汪志仁鄭國棟張湄相繼修葺咸豐七年燬十年知縣王惠寶重建

謝志府志

縣丞署在縣治左

謝志

典史署舊在縣左署壞遷建縣治右主簿廢署故址

謝志

縣志

新淦縣署初在清江鎮隋開皇十年縣令李子樂徙建南市邨卽今治所宋建樓以藏敕書有無訟堂春風樓俱令鄭桌建禮教堂開禧間令何洪建琴堂紹定間令

羅愚建五美堂淳祐閒令高斯從建二松堂丞周遷之
建淨碧堂簿趙彥恭建元爲州至正末兵燬明復改爲
縣洪武二年知縣曹行建宏治九年知縣盧淵重修正
德六年知縣劉天錫重建譙樓隆慶四年知縣李樂增
建後知縣王文燿復建素風軒

國朝初燬於兵知縣潘岭重建康熙三年知縣胡之琳增
建九年知縣董謙吉修四十七年知縣王毓德重修周
記新淦在漢初中爲南部都尉治領縣十元貞中
升爲州以故聽事之堂暨儀門譙樓諸規制高廣宏闊
獨與他邑不侔而城堞四望有鼓樓環城則湄湘章水
繞其右東山中華翼其左從古稱雄鎮云三韓王侯以
戊子夏來宰是邦市下車而退食之地屏橋盡撤庖湔
荒涼詢其故則曰俗以長吏既代必取舊舍而悉毀之
將離此而陟崇階故弗留也登堂而飄風驟雨烈日時
至案頭儀門傾側過者惴惴焉惟恐頽瓦朽椽之歷於
肩夜聽更鼓或通宵寂然又詢其故則曰令苦於徵發
期會之煩前後以官爲傳舍且經費無出故弗葺也侯

慨然曰官斯土則淦之事即吾家之事淦之人即吾家
 之勇也使朝吾夕耳非胞與之仁也因循於淦事非見義
 民之瞻視桑麻何尚遷就苟且以寢處飲食之所託遠近吏
 何舉之堂後仍廣除四愛名存朱考亭右手澤也於是毅然
 然堂之辛卯修澄江迎春賓陽挹秀四城樓王辰大水阜
 餘力之辛卯修澄江迎春賓陽挹秀四城樓王辰大水阜
 民朝之辛卯修澄江迎春賓陽挹秀四城樓王辰大水阜
 蓋侯有興作不敢肸泚將事洪波乃礪石樹基翬飛矢棘
 以材木舂鍤酒醫飯泚將事洪波乃礪石樹基翬飛矢棘
 成事以此知侯謀吾泚將事洪波乃礪石樹基翬飛矢棘
 也古之君子或所至灑掃或所過焚香潔地所以至親
 其身心者無往不然而忠公之季嗣也圭瓚之頒簪
 紱之眾世臣名臣端有攸賴八載以來操守瑩潔如玉
 壺以冰而待人以誠養民以恩教士以來操守瑩潔如玉
 事以斷惟仁且勇彬彬然古稱學優而仕者是也余每
 與淦人義慕而佩服焉因問記嘉慶十四年知縣壽
 而略道之以作後來楷範可也

星保道光三年知縣宋庚重修咸豐十一年知縣馬世

良捐修謝志縣志府

縣丞署在縣署後舊為主簿署康熙十年張秉觀重修

謝志
縣志

典史署在縣丞署前典史支丕揚增修

縣志

分防把總署在棉花行街

縣志

考棚在金川書院之左道光三年知縣宋庚集紳民捐

建

縣志

校場在縣治右阜民門外祥符觀前

縣志

新喻縣

上諭亭在文廟左雍正十三年知縣景四維恭建

縣志

知縣署初在龍池墅唐大厯八年攝令杜臻遷虎瞰山下即今治元為州治至正十二年兵燬明洪武二年改州為縣知縣張宏仲再建七年李公讓增修宣德五年

知縣洪鈞重建張徹記新喻縣自昔屬揚州域漢官

屬袁州時縣在龍池聖大業八年遷距邨唐麟德元年

復遷龍池聖大業八年遷距邨唐麟德元年

年升縣為州明洪武二年復州為縣屬臨江府元貞鄉

縣舊有土城周圍北鍾山今廢惟四門舊迹僅存葛峯

環其東蒙嶺踞其北鍾山今廢惟四門舊迹僅存葛峯

來榮紆淪漣至是而淳溪五鼎山與勢相曲折合虎跑

泉而東文顯官以道德縣政事炳炳琅琅稱天下者多

出乎其間實江右名縣也縣治歲久敝壞知州張宏仲

知縣李公讓有志於為而未復其舊近歲思往前

官弗職一木莫能支繼之者視其傳舍孰究孰思往

與吏民相可洪鈞來尹是邑顧而嘆曰愧也宣德五年秋武

林之東安洪鈞來尹是邑顧而嘆曰愧也宣德五年秋武

禮虧敬何以洪鈞來尹是邑顧而嘆曰愧也宣德五年秋武

勤以撫民明燭微公政以信凡有政令於民是廉以律者已

輒罷行不留宿乃期月政具瓦甃民有休阜新土比屋

上以下安以無事乃選材木具瓦甃民有休阜新土比屋

人象軒豁視之老以循事先作縣治若堂後以嘉善

氣存舊額也鼓樓以嚴其更漏士民知敬而有警也至

名肅其出入鼓樓以嚴其更漏士民知敬而有警也至

以肅其出入鼓樓以嚴其更漏士民知敬而有警也至

於廉憲分司易柱石以廣之皇華使館崇棟宇以飾之
庫庾壇壝坊巷衢道咸撤而新之然後治其居第及同
官廨舍凡所宜有者靡不極整且備觀者目駭居者神
怡陰斂陽舒人文宣朗山若增峻水若益深草木魚鳥
亦若有喜色而同游於太和矣工給而有節民皆子來而
月訖於宣德七年五月費皆官給郡二守吳公復初實
協心若神助天成一何速也工訖郡二守吳公復初實
莅於茲觀厥成功擊節稱美蓋公素清直少許可嘉尹
之績首贊紀於碑縣之僚屬縣丞富春沈成富川程裕
忠膠眉徐勝主簿東昌楊仲彬周師秉章仲彝廖公濟
耆老萬子遠施永濟楊仲彬周師秉章仲彝廖公濟
子鼎陳宗器等請磐石以俟屬周師秉章仲彝廖公濟
平七十年海宇豐富民所守不知兵革所以郡縣擇人
猶恐生民有獲其民所守不知兵革所以郡縣擇人
有法度紀綱能與民同休戚能以儒飾吏治尹之能
餘力一洗故陋如風行雷動於百里間可謂得人矣然
以百年之久廢而作新則於一人之少寬吾君而能之
凡為縣者舉如尹之賢則可以少寬吾君而能之
傳曰為政在人信哉繼今居諭之少寬吾君而能之
各親其親長其長謹士居勤耕織之小相服尹之德
則遠近舉安於壽域遠功之復不難焉大用逮其概
藻喜尹之賢於人也遠功之復不難焉大用逮其概
鐫於石庶來者視其美知所勸云尹字惟衡通經學能
文章志行卓然足以負大任其家世有爵位其季父子

厚為泉州倖嘉靖十六年知縣趙炳然復新之天啟間
燬知縣鄧林棟重建明季圯

國朝康熙九年知縣符執桓重建

符執桓記令之職所以
社是寄賦式是經教養是屬庶務下視事而與士民相
之治所以尊朝延則體統肅焉仰威儀則具瞻在焉漢代
見之地或稱爲署爲堂爲衙爲廳事而總一之以治而治
以來或度廣狹崇麗則又本乎縣之大小江以西名邑
之制度而喻其崇麗則又本乎縣之大小江以西名邑
最多而喻其崇麗則又本乎縣之大小江以西名邑
之隸臨也在宋淳化之元年縣治之八年因龍池壑距
邨三遷而在今虎瞰山之元年在唐大曆八年因龍池壑距
重修之也在勝國宣德之七年自宣德至崇禎之末爲
歲幾二百而治乃燬於兵燹焉國朝定鼎海宇以次
底定而湖南弗靖喻宿重兵累歲四境盡蕭條而治署
愈不可問矣前此令喻者以民居爲治所且軍旅之治
廬舍盡非流移接踵方懼徵輸之弗及格畧官如郵舍
孰爲興廢舉墜而以康熙二年之冬承乏喻邑下車亦
給者有然也予且以康熙二年之冬承乏喻邑下車亦
民舍爲治所今且以康熙二年之冬承乏喻邑下車亦
而印官乃促促民舍中何以觀焉復思天下有難就之
功有難爲之時以喻之荒蕪未剔哀鴻未歸催漕催協

催通之四面至也而冀於不可為之時圖難就之功也
 可乎哉數年來茹淡守約節縮薪俸籌量百端少見頭
 緒又會子憑陳荒絕之請於撫憲將盼聖恩於
 旦夕間無慮也乃涓吉定期授圖梓人而肇功焉址仍
 其舊所稱葛峯環其東紫紆淪漣至是乃湑瀄洞互與
 西南而大河自袁而來紫紆淪漣至是乃湑瀄洞互與
 地勢相曲折合虎跑泉而東者也廳事宏敞面臨戒石
 足以正瞻眺而肅體統麗譙軒翥鼓漏分明足以盼江
 山而瞭隱伏儀門嚴立捍道迤長公堂再進為後堂為
 四知門為燕居之署公堂左為捕衙宅為充慎庫儀門右
 左為迎賓館公堂右為架閣庫火藥庫軍器庫儀門右
 為獄治西北為倉焉墀左右為快為隸為承發為架閣
 為六房抱贖之請督無會題矣肇工之明年為辛亥適予
 憑陳荒絕之請督無會題矣肇工之明年為辛亥適予
 官民苟慶絕之請督無會題矣肇工之明年為辛亥適予
 而告成功焉於是未剔者剔矣未歸者歸矣予乃得積漸
 為也朝廷命吏得以知難就之功可也
 而與土民相見於堂皇之上自今之日始矣爰勒於石
 以志歲五十七年張景蒼增修府志

縣丞署舊在縣署右明移署後

國朝康熙五十八年縣丞陳振霖因舊址建乾隆四十三

年縣丞孫立御重修

謝志縣志

典史署在縣署急遞鋪後

國朝康熙四十七年典史劉昌祚建儀門五十六年典史

顧之謙復於廳右建亭扁曰聽絃

謝志縣志

水北司巡檢署在縣東羅坊市宋末廢爲羅坊驛遷縣

北六十里水北墟今復在羅坊

縣志

分防把總署在北街道光三年把總彭士義創建

縣志

考棚在縣署後東偏道光五年監生劉必選捐建

縣志

峽江縣

上諭亭在鳳凰山麓乾隆十三年恭建

縣志

知縣署舊爲峽江巡檢司署成化初淦令以地里遼遠難於催科議欲分治未決正德九年盜起分守陳洪謨

建議不果後知府錢琦力以其事申請洪謨已晉巡撫
與巡按秦鉞陶儼議奏嘉靖五年立縣卜鳳凰山原東
向作署知縣朱簠題堂曰牧愛後成子學改題親民

國朝道光三年知縣兆元重修

謝志府志

縣丞署在縣堂左

謝志

典史署在縣堂後

謝志

分防把總署在縣堂後

謝志

考棚在鳳凰山麓行臺故址道光二十一年知縣蔣予

檢倡建

縣志

校場在萬壽寺後

縣志

江西通志卷六十七